


1 2012  
33229к


Ерлан ЖҮНІС

КИЕЛІ  
МУНДЕРДІҢ  
ДҰҒАСЫ



Ерлан ЖҮНІС

КИЕЛІ  
МУНДАРДІХ  
ДҮФАСЫ



 Profi MEDIA

Астана – 2011

УДК 821.512.122-1

ББК 84 Қаз-7-5

Ж88




«Алтын Қыран» халықаралық  
қайырымдылық қорынын (*Президенті Исламбек  
Төлеубайұлы Салжанов*) демеушілігімен  
жарыққа шықты.

**Ж88** **Жұніс Ерлан**  
**Киел түндердің дүғасы: Өлеңдер жинағы.** – Астана: Профи Медиа, 2011. – 160 бет.

ISBN 978-601-80208-3-4

Жас ақынның бұл жинағына философиялық лирикалары  
енгізілді. Ақын өз жанын әлем жанынан бөліп қарамайды.  
Оның өзгеше әлеміндегі ой мен сезім тарихы оқырманға да  
бөтен болмас деп ойлаймыз.



УДК 821.512.122-1

ББК 84 Қаз-7-5

ISBN 978-601-80208-3-4

© Е.Жұніс, 2011  
© Профи Медиа, 2011

*Киелі түндердің дұғасы  
Таңдарда айналар қанатты сәлемге!  
Менде еді – әлемнің күнәсі,  
Ал мениң бар күнәм – әлемде!*

## Қараша түні





## *Kезегім*

Мен үшін азапты бұл тұнді өткериу,  
Жан тағы жаурағыш келеді күзде тым...  
Шошыну,  
Сағыну,  
Жек көру...  
О, нені үйретті бізге тұн?!

О, нені үйретер ол тағы,  
Қара тұн – күнәсі әлемнің!...  
Сұрайды,  
Жылайды,  
Корқады...  
Мен оған не дермін?!

Сұлулық – ойнасы күнәнің,  
Қорқыныш – оң жақта отырған кәрі қыз...  
Қорықтым,  
Сұрадым,  
Жыладым...  
Жылауды үйретті сары күз!

Ой сары,  
Жан сары,  
Мұң сары,  
Секпілді сары қыз-дүние, күлме сен!  
Жырлауды білмесем бір сәрі,  
Бір сәрі жылауды білмесен!  
Дірдегі бойды алып күнәлі әлемнің,  
Қалшылдаپ отырам.  
Кіжінем,  
Күлермін,



Көнермін,  
Жалғызың атынан!

Ғасырдың қылмысы – журегім,  
Өлеңім – ең ессіз қылышы ғасырдың!  
Түсінем,  
Сезінем,  
Білемін,  
Сағындым,  
Жек көрдім,  
Шошындым!

Киелі түндердің дұғасы  
Таңдарда айналар қанатты сәлемге!  
Менде еді – әлемнің күнәсі,  
Ал менің бар күнәм – әлемде!

Сүйемін сені, әлем, дертіңмен,  
Қайда бар – мен қарсы жолығам!..  
...Мен едім сол түні Абылды өлтірген,  
Тағы мен мерт болған Қабылдың  
қолынан!..

Бір ұлы ақиқат барлығын сеземін,  
Ақиқат – әлі ешкім білмеген, сезбеген!..  
Бұл ғасыр – бұл менің кезегім,  
Күнәні бөлісе алмаймын өзгемен!  
Бұл түні һәм байыз таппаспын сірә да,  
Ұмтылған көбелек секілді жарыққа.  
...қорықпа,  
сұрама,  
жылама,  
сұрама,  
жылама,  
қорықпа!



...Тұсімде жүремін жоғалған соқпақта  
адасып  
әкемнің үйіне баратын!

Әкемнің үйінен шығатын,  
Кәрі жол, қайтейін мен сені, ұмытқан  
мұратын.  
Сол үйде – той жасап жатыр ма ұлына  
бөтен ел –  
Кезінде жалғыз шал тұратын?

Мен бала кезімнен,  
Жол, сенен біреуді күтумен көз ілгем...  
Платон секілді жалғыз шал,  
өз Атлантидаңды әкеттің өзіңмен!

Анлантис – беу, қара шаңырақ,  
Өзінді іздетті тағы сам жамырап.  
Тебеген тағдырлы еменген арман-ай,  
Бауырымды езбеші маңырап!

Жол, енді шакырма,  
Мұң қоспа мұңыма,  
Тұн, сен де қарама сұғына!  
...Тарихи күрсініп қояды кәрі анам:  
«Сен – қара шаңырақ! – Аманат ұлыңа!»

Ұлыма қараймын сезіммен аталы,  
Періштем шалықтап жатады.  
...Аманат – шаңырақ, шаңырақ – аманат!  
Әр қара шаңырақ – қазақтың отаны!



## *«Гуләнда» кітап дүкенінде*

Алматы.

Қыркүйек.

Кеш.

Кітап дүкені.

«Қожайын, сағатқа қарама!»

Тұсінем, оны үйі күтеді...

Ал менің шыққым жоқ даға.

Қалада қөңілдің боп жатыр қай тойы,

Гүлдердің иісі жоқ қалалық!..

Ол жақта даурыққан білгіштер айқайы,

Бұл жерде момақан даналық.

Тәккаппар даналық

Кітаптың ішінде

Жалыққан өзінен.

Мен де ертең дәл осы кітаби пішінде

Осында келемін...

Сезінем.

Қожайын,

Бәрібір келем ғой,

Тұсін сен,

О, сонда қыздарға қымбатқа сатасың.

Бүгінгі жақсылығың үшін Сен

Аласың апамның батасын!

Кітаптар сөресі – сұлудың беліндей

Майысқақ,

Ауыр ғой шалдардың салмағы...

Қолдарым – ибалы келіндей

Ұсынған кесені батырмай бармағын,

Мөп-мөлдір аңсар мен ынтаны ұсына

Сипаймын кітапты:

әр сөздің демі

мен



сезінем лұпілін,  
жүректің ұшына  
шымырлап тұнуын дәуірдің еріген.  
Балқиды дәуірлер ойларда ып-ыстық  
Ішінде жалғыздың тұрған топ шетінде!  
Даналық –  
Үнсіздік, тыныштық,  
Шыңғырап тек кітап бетінде!  
Мұнда да шалдар көп пыстырған жатып іш  
Менімен ойнайды:  
«Осынша ақымақ, осынша нақұрыс –  
Бұл бала біздерге қосылмай қоймайды!»  
О, сосын қарайды кемсеңмен  
ұғардай  
тәккаппар ойлардан,  
Ешкімді үңгірден сұрып шыға алмай  
өздері үңгірге айналған,  
Шалдар-ай, сүйемін сендерді  
Сезіммен ешкімді сүймеген,  
Сендерден үйренсе-ау өлмеуді,  
өлуді өзім-ақ үйренем!  
Кұрдастар көп емес, –  
Көкем ой, шеше мұн,  
Бәрінде тәнірдің демі бар!  
Менде әлі тірі жүр  
    Мағжан мен Есенин,  
Мені әлі білмейді  
    Борхес пен Элюар!  
Ал, Һафез –  
Нагашым жырындай,  
Тонауға дайынмын қарамай.  
Моуләви –  
Құпиялы сұлудай,  
Дымымды құртады қарадай.



Асаулар,  
бұлғақтар  
кешегі  
момақан кітапқа қалайша сыйып тұр?  
Еседі самал жыр, аңыздар көшеді –  
өшеді –  
өшкені –  
өмірден биік тұр!  
Алматы.  
Қыркүйек.  
Кең.  
Кітап дүкені.  
Сыртынан жабамын есігін:  
Есіктің сыртында жалғыздық күтеді,  
Мен оның жалғыз досымын!..

### *Улес*

О, біздің қанша күз жоғалды тектен-тек,  
Қаншама сұлуға сыйладық көктемді!..  
Ойымыз,  
Жанымыз  
әлі де көкпеңбек,  
әлі де шикілеу,  
әлі де шектеулі.

О, біздің піспеген алмадай жасыл бас,  
Жастықтың тұп-тұнық іісі аңқыған!  
Ойымыз тым қышқыл...  
Уыты басылmas,  
Түкіріп тастардай жұта алмай артынан

Нөсерде қарсы алдық не көктем,  
Не күзбен қоштастық тұнжырап жыр оқып!..



Күтпеген жерлерде пайда боп кенеттен,  
Гайып боп кеткенбіз дұр етіп.

Өмірді іздедік әрнеден,  
Ойыншық сағаттай көрдік-ау уақытты...  
Біздерді сүрленген ан-то-логия-ларменен,  
Тұксиген эн-цикло-педия-лар оқытты!..

Олардан бар еді безуге,  
Һәм ақын, Һәм сұлу масаң ұл!  
Гүлденген шақтарда ең іңкәр сезімдер,  
Бүр жарып жатқанда жас өмір!..

Асаяу ой тебісіп,  
Тынжылар шыңғырып іш тескен,  
О, талай жүрекпен келісіп,  
О, талай бастармен тістескем!

Күрендеу жүзбенен жел өпкен,  
Күн сүйген маңдаймен таңдағы,  
Біз айқай салғанбыз әлдебір себеппен,  
Бізге айқай салды енді салдары...

Жүрегі көзедей у құйған,  
Дәтің де шыдамас ішуге –  
Ақынның барлығы – сүйкімді хулиган,  
Академиялары өзінің ішінде!

О, қайда қалмады балғын да балғын күн,  
Балғын күн мені енді танымас:  
Қаншама сұлудың көңілін қалдырыдым,  
Қаншама жігіттер әлі мас...



Осындаі екен-ау үлесі ақынның,  
Тым биік кетіпті армандар.  
Енді үйде кітапқа көміліп жатырмын...  
...Балалар, сабақтан қалмандар!

### *Eсінеуік*

Тым алыс қалғандай таңдану дәуірі,  
Мұнда ешкім селт ете қоймайды:  
Маңқылдақ ой менен сезімнің мәуілі,  
Аяға сурет сап ойнайды!..

Адамзат жалыққан бір ғажап күтуден,  
Жаңаға тағы да келмейді сенгісі.  
Әлемде бәрі де бітеді үтірмен,  
Тек

тыйым

салуга

керек

леп

белгісі!

Дүние құлықсыз жаңалық ашуға,  
Бұйыққан жүрекпен, қалғыған мименен.  
...Пандора көшіп жүр ғасырдан-ғасырға  
жәшігін сүйреген!

Ұлы ойлар кетті де қартайған ғасырмен,  
«Кұдайлар» қалды тек жасында:  
Жаңалық ашу жүр – тек соғыс ашу  
мен  
сұлудың етегін ашуда!



Ұлы үйқы басталып жатқандай әлемде,  
Ояну рухына сенбейтін!..  
Бір ақын ояу жүр беймаза өлеңде,  
Пайғамбар болғысы келмейтін!..

Болмыс пен жан сыры – Гегельдің қонағы,  
Қол бұлғап тұр әне бейтаныс пішінде...  
...Маужырап жер шары домалап барады  
көгілдір экран ішінде!

### *Kөп нұктө*

...Иә, мен де үрке қарап тұрдым,  
Мағынасыз көзқарасымен біздің ғасырдың.  
Сен де  
Сағыныш бақшасындағы сарғалдақ гүлдің  
Бір түнде қарайып кеткендігінен шошындың.  
Шошына жыладың,  
Енді  
Тарихын ешкімге баян қыла алмасынды  
сезгендей Бүгіннің.  
Қосыла жылағым келді  
Бізге тәуелді еместігінен  
  Тамыр мен Тұбірдің!  
Олар бағынғысы келмейді мұлде,  
Ал біз  
Билік етуге үйрениген санамызды сендейре  
алмадық:  
«Табиғат сөйлейді адами тілде!» –  
О, неге осыншама өзімізді алдадық?!  
Сағыныш түнді де жұтып қойды...



Қараши,  
Сарғалдақ қарайып қалыпты:  
Тәкаппарлығынан біздегі тым білгіш Ойдың  
Бәлкім,  
Табиғаттың өзі де жалықты.  
Жалықты,  
Жалығу әуені зілдей,  
Тым ауыр,  
Ауыр жерден де...  
Екеуміз не істерімізді білмей,  
Сарғалдақты үзе бергенде...

### ***Жорғатай ғұмыр***

Жолдар – ананың аппақ жаулығындей:  
Аттай алмаймыз, ақтай алғанша жүреміз  
борышын,  
Таптай алмаймыз – аяғымыз жамандыққа  
бастанда.  
Шөлге ұрынбай, қаңғырып тауга ұрынбай  
Мұратыңа жетуінді сұрайды,  
Бар бақыт ол үшін –  
Жалғыз ұлын еліне жеткізіп тастауда!

Жолдар –  
әкенің сіңірлі қолдарындей:  
Кейде тым қатал, кейде тым биік, асқақ  
көрінер,  
Ақжал арландай  
Шақа бөлтірігін тайынбас шайнаудан.  
Ұлы далада қалқып тұрган жырдай –  
Біздер – түздің ұлдары –



Тәкаппар бөрілер,  
Жолдар тағдырымызға айналған!

Жолдар –  
өзендер секілді аласұрған:  
Олардың жылжуы біздің ғұмырымызben  
сәйкес келмейді,  
Олардікі – көзді ашқандай,  
біздікі – жұмғандай.  
Бүкіләлемдік ұлы жарасымнан  
Һәм  
Қарама-қайшылықтардан жаратылған  
Ақ желкен жанымызды жәй ғана тербейді,  
Өлім әуеніне өмір билеп тұрғандай!..

Жолдар –  
жалғыздығындай тым аяулы,  
кетіп бара жатқан  
мен қайтып келе жатқанның,  
қайталап жататын сияқты солардың құбірін.  
Әнін айтып жалғыз бен жаяудың,  
Арасымен бейкүнә шақтардың,  
Сен, қайда аттандың,  
Түз желіндей адасқақ, беу, жорғатай  
ғұмырым?!..





## *Iңірдегі пессимизм*

Жоғалған армандарыма  
Көніл айтып қара тұн  
Жыладым...  
Жарығы түбінен артпаған шамдай  
Бұл қала мені жылыта алмады  
Жанымның сынар қанатын  
Көтере алмай  
сұладым  
көз жасындаі салмағы!

Тағы да алданғаныма  
Сене алмай жас жаным  
Тоңамын...  
Әр қауырсыны қалтырап жанның  
Күзгі жапырақты еске салады:  
Бәрінен беле бастадым,  
Сенуден қалдым...  
Қаланың  
Жүрегі мұздап барады.

Уақыттың өзінің де  
Уақыты бола бермейді  
Қалада!..  
Көктем де келмestей көрінеді маған.  
Сезімді көтермейді,  
(Көнесің!)

Жастыққа сенбейді,  
Сенбейді саған  
санада  
билеп жүреді ізгі қаланың елесі!..



Көңілсіз қорғандарына  
Селсоқ сүйеп иегін  
тұншығып  
шылым шегіп отырар шаһар...  
Қайыр...  
Мұнаралар іздейді құдайды  
Сөз өлерде киелі...  
...Анда  
    тек шайыр күрсініп,  
мұнда  
    тек сұлу жылайды!..

### *Пылыхырым*

Олар мені көріпті жол үстінде,  
Келістім бе, білмеймін, керістім бе,  
Өлістім бе, білмеймін, берістім бе,  
Олар мені көріпті жол үстінде.

Құбыланы бетке алыш барады екем,  
Суыт екен жүрісім алабөтен,  
Жын ұрғандай құліп те алады екем,  
Мұң ұрғандай жылап та қалады екем,  
Құбыланы бетке алыш барады екем.

Жол үстінен көріпті олар мені,  
Соның бірі досына балар ма еді,  
Соның бірі қолымды алар ма еді,  
Бірі үйіне түссе деп қалар ма еді,  
Жол үстінен көріпті олар мені.



Барады екем бетке алыш құбыланы,  
Мұраттарым бар екен шұғылалы,  
Алуан дүние алдымда құбылады,  
Ал соңымнан ақ сағым шұбырады,  
Барады екем бетке алыш құбыланы.

Одан кейін көрмепті ешкім мені,  
Жабықтым ба қуанбай ес кіргелі,  
Жалықтым ба қызықтан бес қундегі,  
Содан менен бір хабар естілмеді...  
...Одан кейін көрмепті ешкім мені.

### *Бошалаң*

Әр сәт сайын алыстаймыз достардан,  
Алыстаймыз Тәңіріміз қосқаннан.  
Толтырылған тағдырыңың қезесі,  
толтыра алмай көнілінді бос қалған.

Өзге түгіл, өзінді-өзің ұнатпай,  
суық сезім сырғақтайды сынаптай.  
Жүрек қана жалп-жалп етіп қояды,  
желді күні жана алмаған шырақтай.

Керте-керте көрген биік кетілді,  
Күн айналмай құлай салар секілді.  
Жел жағынан бір жылы сөз естілсе,  
Қарап тұрып жылай салар секілді.

Күдіктен де, үміттен де кекілді,  
Кемді күнде жеріп кетер секілді.  
Майдайынан сипай қалса бір адам,  
Майдай содан еріп кетер секілді.



Ойнамай-ақ отқа барған секілді,  
Барға да арман, жоққа да арман секілді,  
Бас бұрарға мұрсат та жоқ, мұрша жоқ,  
Жауырыннан оқ қадалған секілді.

Ойың да ояу, арың да ояу секілді,  
Жолың – жаяу, сарын – баяу секілді,  
Бір қарасаң ақ пен қара өмірің,  
Бір қарасаң қалың бояу секілді.

Жылдытып та, жылдынып та жарыта алмай,  
Жарға біткен жадағайлау кәрі талдай,  
Өз сөзінді өзің тағы айта алмай,  
Өз қолындан өзің тағы тарта алмай,

Корланасың, тұрам дейсің жоғары,  
Арланасың жағалауға ағаны.  
Мұндан басқа ештеңең жоқ аяулы,  
Жырдан басқа ештеңең жоқ бағалы.

Бүтін күмән, ертең тағы тұманды,  
Сен кімдерді, сені кімдер ұға алды?!  
Біреулермен ұнатпайсың құлуді,  
Біреулермен ұнатасың жылауды.

### *Ауырған жоқпын!*

Жыладым бәлкім, жан үшін жақын  
бала алмас,  
Жабықтым бәлкім, жылдарым үшін оралмас.  
«Ауырғаның ауырды, – деген. – Жүргім»,  
Айналып қана кетейін сенен, замандас!



Бір жүрек емес, тұсінем дегем дәуірді,  
Тұсінем дегем досымды, тағы жауымды...  
Жазықсыз бәрі! Ауырған жоқпын, жай ғана  
Үмітім, ойым, арманым, мұңым ауырды!

Ауырғаным жоқ, жай ғана жаным сыздады,  
Мұздады бәрі, сөзім де, ойым мұздады.  
Адамның барлық жылуы жүректе деуші ем,  
Сол жүректердің жауратты мені ызғары.

Тондырды мені, жақыннан болған жат кісі,  
Улантты мені, кешегі сөздің тәттісі.  
Адамның ең бір нәзігі – жүрек деуші едім,  
Сол жүректердің арқама батты қаттысы.

Жыр жазу керек, жыр жазу – мұның бір емі,  
Кісінің дертін кісінің өзі біледі,  
Адамның ең бір жарығы – жүрек дегенмін,  
Сол жүректердің қорқытты мені түнегі.

Ауырған жоқпын, ауырпау үшін дәуірді,  
Ауырпау үшін самалды, нұрды, жауынды!  
Жазықсыз бәрі! Жазылып кетем! Жай ғана,  
Өмірім менің – өлеңім ғана ауырды.

Ауыртып алдым, енді не қайран қылайын?!  
Бабын бір жасап, басын дүр сүйеп тұрайын.  
Әлемді мынау ауырта аламын өлеңмен,  
Өлеңді бірақ ауырта көрме, құдайым.

Білмеймін, білмен, наразылық па, назың ба,  
Ауырмашы, өлең, хақым жоқ менің азуға!  
...Ақындарымен ойнай ма әлде бұл тағдыр,  
Дертті өлеңдермен өзінің дертін жазуға?!



## *Болашаққа хат*

Болашақ, мен сені өткергем,  
Ішімнен, түсімде, өткенмен,  
Бір сәтке тұрмайтын ғасырмен,  
Мыңжылға бергісіз сәттермен,  
Болашақ, мен сені өткергем.

Болашақ, мен сені сүргенмін,  
Бір дем мен арасы бір демнің,  
Жыласам, сен болып жылағам,  
Күлсем де, сен болып күлгендін,  
Болашақ, мен сені сүргенмін.

Болашақ, мен сенде болғанмын,  
Сертімен үмітті тандардын,  
Дертімен үмітсіз жандардын,  
Елесі секілді арманның,  
Болашақ, мен сенде болғанмын.

Болашақ, мен сенде туғанмын,  
Жап-жарық жүлдызбен нұрландым,  
Жанымды, арымды, тұлғамды,  
Бүгін жоқ тауларға шығарып,  
Бүгін жоқ теңізге жуғанмын.

Өзімнен не көрдім, не кештім,  
Кімдермен сырластым, кеңестім.  
Жүрегім өзінде сақтаулы,  
Жоғалтып алмауы үшін ол,  
Сені ешкім,  
Болашақ!



## *Fұмырбаян*

Тау толғатып жанымды, құм тәнімді гүл  
еткен,  
Хан үйіне түсіріп, жар үйінде түнеткен.  
Ханым – жұртым болғанда, жарым –  
далам арманды,  
Мен танимын әлемді Ұлы Тұздік Жүрекпен.

Тұз ұлы деп танысын мені әлем таныса,  
Тұз киесі дарысын, маған егер дарыса!  
Тұздің түйір тасының садағасы ғұмырым,  
Ханзададай бауырым, қарындастым – ханыша!

Қарашаның қылышы, мінезіне сәуірдің,  
Қауырсынын малып ап жыр жазамын  
жанымның,  
Оқып тұрам содан соң қыран ұшар биіктен,  
Ерінімен көлімнің, тіліменен тауымның.

Табанымнан сүйді жер, алқатқанда ақ аспан,  
Аланы-ау деп даланың, аспан көзін  
жаңа ашқан,  
Жаратқанның жүлдзызы – жарылқаушы  
Жұртымның  
Мандайына жарасқан, мандайыма жарасқан!

Тұған елдің мандайдан сипауына сыйынам,  
Тұған жерге бір құшақ бақ гүлі бол бүйірам,  
Мейірім қанып даламның мейірімінің  
нұрынан,  
Қаннан емес жүрегім, аппақ сүттен ұйыған!



## *Мен кеткенде...*

*досым Нұрлан Қадыровқа*

Мен кеткенде Таразда көктем еді,  
Көктем шығар әлі...  
Мені әкеткен жолдарға өкпеледі,  
Көне менен Кәрі.

О, несіне балаша өкпеледі  
Көне менен Кәрі?!  
Көктемені бірге алыш кетпеп едім,  
Жалғыз кеткем тағы.

Мені әкеткен жолдарға көп қарады,  
Кәрі менен Көне:  
« Мына жалғыз тасбауыр бол барады,  
Қайырылмайды неге?».

Тапсыргандай сендерге көктемені,  
Мұнайтпас деп оны,  
Жолдар ертіп кетпеді текке мені,  
Бұл жол – ұлдың жолы.

Мен кеткенде Таразда сұрак қалды:  
« Қайда? Неге? Не үшін?»  
...Бақ ішінде бір сұлу жылап қалды,  
Үнсіз қалды досым.

Мен кеткенде Таразда көктем бе өзге,  
Мен бе өзге неме?!

Ұлдар үнсіз кетеді кеткен кездे,  
Неге? Неге? Неге?!



## *Дүға*

Күлтегін күннің ұлы екен,  
Күлтегін мәңгі тірі екен!

Өлі өмір емес, тірі өлім:  
Баяны қалды, бас кетті.  
Қағандардың жүргін  
Тарихшылар тас депті.

Күлтегін күннің ұлы екен,  
Күлтегін мәңгі тірі екен!

Жат өмір емес, өзге өлім:  
Аяны қалды, тіл кетті.  
Қағандардың сөздерін  
Тарихшылар құм депті.

Күлтегін күннің ұлы екен,  
Күлтегін мәңгі тірі екен!

Ау, мынау Тетис түбінде,  
Қағанды, қайтер, шақырсақ?  
...Бөрілер түркі тілінде  
Тәңірге дүға оқыр шақ!

Күлтегін күннің ұлы екен,  
Күлтегін мәңгі тірі екен!



## *Мениң жолым*

Мойнына бұршақ сап тілеген даланың  
тұңғышы,  
Мен емес шығармын,

Киелі қандағы қасиетті өрліктің үлгісі,  
Мен емес шығармын,

Ұлы тұз, о, сен деп ұлыған бөріде абадан,  
Мен емес шығармын,

Қазанат – қан кешкен ғасырдың өтінде  
жараған,  
Мен емес шығармын,

Тәңір көк еркесі – қыранның шаңқылдақ  
жалғызы,  
Мен емес шығармын,

Алаулап атқан таң шапағы жүректей  
алқызыл,  
Мен емес шығармын,

Білмеймін,  
Бұл кәрі далалық тәқаппар жас халық  
Менен не күтеді?!

Білерім:  
Мен үшін барлық жол қазактан  
басталып,  
Қазақпен біtedі!



## *Қазақтан кешірім сұрау*

Ояндым шошып қап-қара түннің даусынан,  
Күнгіренген дала,  
Күрсінген, бәлкім, тау шығар?..  
Кешірші мені,  
Қараши қара басқанын,  
Жаралы жерім, қаралы аспаным,  
Сен жаурап қалыпсың ғой,  
Аулақ қалыпсың ғой,  
Әр жүлдyzдың түбіне тығылып,  
Қырық құбылып.  
Не періштеге айтпаппын,  
Не жеңіспен қайтпаппын,  
Тым болмаса  
Тілімнің астына салып та алмаппын,  
Тым болмаса  
Омырауыма тағып та алмаппын,  
Жастығымды жас сұлуларға арнап ем,  
Үйренбеген соң әнді де айтып хорменен,  
Жалғыз қаңғып ем,  
Оралмастай мәңгі мен.  
Шашылған, шашылған қауырсындарың-ай,  
Жаныммен ауырсынғаным-ай,  
Өзімнен қорынып,  
Қасиетті суларға шомылып  
Келмекші ем...  
Кешірші мені!  
...Бұл ғасыр нешінші еді?  
Кімнің кезегі еді?  
Нениң кезеңі еді?  
Ұйықтап қалғанымды қараши,



Жылатып алғанымды қараши,  
Таулар ояу ма, жолдар сергек пе?  
Не болып жатыр жер-көкте?!

Кешірші мені,  
Бәрін де реттеймін,  
Енді кетпеймін, енді кетпеймін!  
Кешірші, ертеңің үшін мені,  
Қазір, қазір,  
Күнді тұтатамын,  
Айды босатамын,  
Жерді жұбатамын,  
Абайды оятамын!..  
Ішімдегі...

### *Taңғы ән Ұлыма*

Әр күні сенің күнің келеді,  
Әр таңда күн сенімен бірге!  
Бұл сенің, сенің нұрлы әлемің,  
Жарияла ресми түрде:

Бұл – менің күнім,  
Менің бүгінім!  
Бұл – менің жырым,  
Менің ғұмырым!  
Бұл – менің ісім,  
Менің женісім!  
Мен – әлем үшін,  
Әлем – мен үшін!




Әр адам саган бауыр, шын досын,  
Сөйлейді бәрі де бір тілде.  
Бәріне, бәріне сен үн қосып,  
Жарияла ресми түрде:

Бұл – менің досым,  
Менің бауырым!  
Бұл – менің көшім,  
Менің дәуірім!  
Армен таңдарға,  
Тұнгे –  
өремен!  
Мен бар – сен барда,  
Бармын – Бар Әлем!





ӨЛЛАРА  
(цикл)





## I.

Қалада –  
кешегі уақыт,  
Дымқылдау қараша демі.  
Жылатып, тағы да жұбатып,  
Үлгерді ол мені.

Көшелер – өлеңнің жолы,  
Ешкім де табылmas оқыр.  
Автобус тағы да толы –  
Тағы да бос келе жатыр.

Бос кетіп барады көңіл,  
Көңілсіз радио үні.  
Қалада кешегі өмір –  
Мұңымның алғашқы күні.

Сезінген алғашқы күнім,  
Жалғыздық, жалғыздық сені,  
Семдірді-ау көңілдің гүлін,  
Ызғарлы қараша демі.

Бір топ түр біреуге қарап,  
Қабаттан құлаған биік.  
Ол байғұс ішіпті арак,  
Пышақтың жүзіне құйып.

«Өлгенше ішкені неси,  
Ақылдан адасқан болар?!»  
Меніңше, тым дұрыс еси,  
Білмейді олар...



Мейірімсізге өлі жатып,  
Қарсылық көрсетер, бәлкім...  
Қалада кешегі уақыт –  
Уақыт сұрап жүр әркім.

Өзімде өзімнің мұным,  
Өзіме уым да балдай.  
Жылағым келеді бүгін,  
Ешкімді жылатаң алмай.

Қымсынар несі бар елден,  
Бәрі жәй көрінер бекем.  
Шын жылап алғысы келген,  
Жассызың-ақ жылайды екен.

Дымқылдау қараша демін,  
Жұтамын бар жандай өші.  
Бір досым бар еді менің –  
Ал оның жоқ екен досы.

Автобус келеді үнсіз,  
Радио қарлығып сөнген.  
...Сіз қайда жүрсіз,  
Мен кеше жаныммен сенген?!

Сендері алмадым ба әлі,  
Ақынға сенбей ме бақыт?  
Уақыт сұрап жүр бәрі –  
Қалада кешегі уақыт.

Келемін тұнжырап тұндей,  
О, қайда баарым білмей.  
Әлдене өзгеретіндей,  
Әлдекім өзгеретіндей...



Тәнірден, қоғамнан жырақ,  
Сонғы өлең лап етіп ойда,  
Әлдекім тағы өлді-ау құлап...  
Әйтпесе, мен сенген қайда?

## 2.

Жеті түн, желексіз көңіл...  
Ән салғым келгені несі?  
Көшеде – баяғы өмір,  
Баяғы көңілдің досы.

Бәрі де... мұлде енді басқа  
Мендергі өмірдің әні.  
Көзімнен тамбаған жаста  
Ұрланған күндердің жаны.

Дауыл түр, нөсер қүй, жел сок,  
Бәрібір селт етпес ақыл!  
... Кеудемнің ішінде селсоқ  
әлдекім ыңылдал отыр:

Бір уақ шешедей боздап,  
Бір ауық сыңсиды қыздай.  
... Балконда... һәм ауа жаздал  
ауаны қармаймын мұздай.

Төменде тәбелес ызғын –  
Дүлей бір жастықтың десі.  
Жылаған дауысы қыздың...  
Жымиғым келгені несі?!



Кұс қонған балконда шаттық,  
Тойлауда туған күн кешін.  
Априори. Амигос. Аптық.  
... Жылағым келгені несі?!

Білмеймін... ән салғым келді,  
Нендей ән? Нендей ән ауыр?  
Жесір түн, жетімек шерді  
Қайтейін жүрекке бауыр?!

Тәңірім, осы бір сәттің  
Ешқандай жауабы жоқ па?  
Мен бүгін – өзіме жатпын,  
Бауырмын –  
өзіне жатқа!

Ән салсам... – керек ол кімге,  
Кім мұнда расұл?!

...Бетховен естиді түнде  
Гомердің құлаған жасын...

### 3.

Лә-лә-лә, келем, лә-лә,  
Тұманда қалқып кешкі.  
Жанымда бәрі жаңа –  
Ойымда бәрі ескі.

Тұманды інір жыры –  
Күмәнді ойдың мені.  
Өмірде бәрі тірі –  
Көңілде бәрі өлі.



Сұр үйлер – үйілер, үйілер,  
Сұр көше – көше, көше...  
Жан бүгін жалғыз билер  
Естіген күйге кеше.

Ешкімге сенгім келмей,  
Ешкіммен күлгім келмей,  
Ешкімді көргім келмей,  
Ештеңе білгім келмей,  
Еш әнге салғым келмей,  
Ешкім де болғым келмей,  
Ешқайда барғым келмей,  
Ешқайда қалғым келмей,

Лә-лә-лә, келем, лә-лә,  
Тұманға сіңіп кетем.  
Өзім де, өзге де, қала –  
Мен жайлы ән емес екен!

#### 4.

Қала – тарих соны –  
Бабыр мұнарасы...  
...Данышпандық мені –  
Ақымақтың басы...

Ұмытылған аңыз –  
Бізді туған дала.  
Жеті жасар абыз,  
Жетпіс жасар бала.

Сен өлмеші, ұят,  
Болмысымның жасы.



Ең ақырғы түяқ –  
Жаңа үлттың басы!

Сен өлмеші, тегім,  
Мен қағанның ұлы.  
Сенің кеткен кегің –  
Ғұмырымның ділі.

Сен өлмеші, кие,  
Ием табар ақыр.  
...Қала – шөккен түйе,  
Шөккен түйе соқыр.

Ең алғашқы жаста  
Ең ақырғы демім.  
Адамдардан басқа,  
Ешкімім жоқ менің.

Ең ақырғы жаста,  
Ең алғашқы демім.  
Жер шарынан басқа  
Ештеңем жоқ менің.

Беу, әжімді күндер,  
Беу, сақалды көктем...  
Қала – соқыр інген,  
Күл үстіне шөккен.

Көр, көр дүние, көрім,  
Көр, көр мұны, көрің:  
Үйретілсөң – өмір,  
Бейімделсөң – өлім!



## *Kұпия*

Жап-жас қайың, кәрі бақ,  
Бәрі де бар, жоқ бәрі:  
Не ойлама – бәрі де А.К.,  
Не сезінбе – А. К. бәрі.

Ақ па қара, қара ма ақ?  
Күн сүргенді түн сүрер.  
...Жас жүрегін жарапалап,  
Жап-жас ақын күрсінер.

Тұ-С.,І.,М. – пайғамбардықі,  
Өңім – пенде,  
Ақын кім?  
О.-й – мұңлықы,  
Зарлықы – сезім кешіп жатырмын.

Ара үшады: Ж.,Ж.,Ж.,  
Гүлге қонар: М.,М.,М.,  
Дүниенің Қ.-ы-З.-ығы –  
Дүниеде құмығы.

Токылдағы: Т.,Т.,Т.,  
И.,И.,И.-ір емені.  
Дүниенің сұқыты  
Сұлу деуге келед-І.

Кәрі бақт-А. бір кісі  
С.-үйеніп тұр еменге...  
Баки – Ф.,Ә.-nidің түсі  
Жорамалы – Ө.-лең бе?!



Ұ.-ят тірі, Е.-с бүтін,  
Ә.-лем Д.-есе – бар өлең!  
Кешіп өтсе кешті кім,  
Кешпегімді берер ем!

Тану ма бұл?  
Тандану!  
Қарсы тұрса ғасырға ар!  
Жас сұлудың таңбалы  
Жастығында басым бар.

А.Қ. қой бәрі, бәрі де А.Қ.,  
Ақтан бастау – керегі.  
...Бір уақытта кәрі бақ  
Айға қарап: «Е» деді...

### *Shoot the moon*

Жалғыз шеше елде қалды,  
Жалғыз ұл...  
Жалғыз ұлы жолда қалды,  
Ақсады...  
Армандарым қайда қалды алқызыл,  
Алған жарым ойда қалды сап-сары.

Алған жарым ойда қалды сарғайған,  
Текке кетпей, неге ерттім артымнан.  
Ой, мені де салса біреу мандайдан,  
Ой, мені де алса біреу алқымнан.



Жалғыз шеше елде қалды шошайып,  
Жалғыз ұлы жолда қалды қарайып.  
Оянамын: «Бас ауғанға қашайық!»,  
Ұйықтаймын: «Қой, осында қалайық!».

Мен Кешеден өте алмадым Ертеңге,  
Қайда қашып құтыламыз Бүгіннен?  
Ой, өліара құбылады желкемде,  
Ой, өліара шұбырады тілімнен.

Ой, дәстүрін елеу керек жат елдің,  
Желеу керек қууға да жат үшін.  
Ой, ақысын төлеу керек пәтердің,  
Аштықтың да төлеу керек ақысын.

Біз босаға тұтып келдік қай елді,  
Босағада неге тұрмыз, сүйікті?  
Ой, не етеміз ұзын тырнақ әйелді,  
Ой, қожайын болса тағы иықты.

Үмітімді ақтамаған әкемнің,  
Мен де бүгін жоқтамадым хақысын.  
Ой, ақысын төлеу керек пәтердің,  
Жастықтың да төлеу керек ақысын.

Жалғыз шеше елде қалды – жаңбырлы,  
Су тимеген енді неміз сүйікті?!

Ой, не етеміз ұзын тырнақ тағдырды,  
Ой, қындық болса тағы иықты.

Алған жардың ойларына сап-сары,  
Сурет салып... ой, қараймыз тамсана:  
Бір мекенде гүлзарлы да бақшалы,  
Ой, гүл теріп жүр екенбіз ән сала.



Алған жарым маған ұзақ қарады,  
Гүлін теріп жүрміз бе әлде жат елдің?!  
... Ой, ақ сүтін өтеу керек ананың,  
Ой, ақысын төлеу керек пәтердің.

Жалғыз шеше елден келер, жалғызын,  
Жалғыз ұлын жолға қамдар уақытта.  
... Бір ақ таңда осылардың барлығын,  
Айырбастап алармыз біз бақытқа.

### *Алматыға – бәрібір!*

Ең алғашқы оқылған жыры есімде,  
Ең алғашқы айтылған сыры есімде,  
Ең алғашқы жалғыздық түні есімде,  
Алматыға – бәрібір!  
Білесің бе?!

Тағдырыңның келгенмен зарын бұлдал,  
Оңың – тайғақ,  
ортан – оп,  
солың – бұлғақ.  
Қарсы алмайды Алматы сені гүлмен,  
Шығарып та салмайды қолын бұлғап.

Ар болмаса, зарынды бұлдамағын,  
Бұлданғаны бүйым ба бір баланың?!  
Ақындардың жырымен жазылады,  
Жазылмаған зандары бұл қаланың.



Бәрі алғашқы қадамнан басталады,  
Қадамыңдай кәдімгі жас баланың.  
Алматыда ұлы ақын бола алмайды,  
Алматының өзінен басқалары.

Алматыға – бәрібір!  
Сезесің бе?  
Төзесің бе, жоқ әлде безесің бе,  
Көзің қалар сұлгудың жанарында,  
Сезім қалар шайырдың көзесінде.

Алматыға – бәрібір!  
Не құлермін,  
Не жылармын, жеңермін, жеңілермін.  
Сағынамын сонда да неге, неге?  
Неге, неге келеді сені көргім?!

Еркеліктер – сезімнен, ойдан – бүлік,  
Құпияңды қөбірек қойғам біліп...  
Сол «бәрібір» барлығын бір етеді,  
Бірді тағы бәріне айналдырып.

\* \* \*

Асқақтық туралы аспанда,  
Азаттық туралы ақ жұлдыз,  
Ақпанар нұрын шашқанда,  
Ойладым... өзің туралы;  
Жабығу туралы жылдарға,  
Жалғыздық туралы шындардан,  
Зарыға қарап тұрғанда,  
Аңсадым... өзің туралы;  
Көз жасы туралы нөсерде,



Откен күн туралы ауыр бұлт,  
Күрсініп терең көшерде,  
Жыладым... өзің туралы;  
Сағыныш туралы түндерде,  
Ай нұры әлсіз түскенде,  
Үмітім туралы гүлдерге,  
Мұңайдым... өзің туралы;  
Мәңгілік туралы жолдарда,  
Қарсы алу туралы құштарлық,  
Мұсін боп қатып қалғанда,  
Қол создым... өзің туралы,  
О, менің Тәуелсіздігім!

\* \* \*

Куанудан қуанбауды үйрендім,  
Мұнаюдан мұңаймауды үйрендім,  
Хас үлгісін көрсете алам өрлеудің,  
Хас үлгісін көрсете алам күйреудің.

Оқылса өлең уақыттың атынан,  
Ар жааралса сол өлеңнің затынан,  
Аралап кеп сезім мұражайларын,  
Ойдың кітапханасында отырам.

Биік-биік армандардың тұсынан,  
Үнсіз ғана үміт құсын ұшырам.  
Мен жердегі жүлдyz болып алар ем,  
Аспандағы жүлдyzдардан қысылам.

Көктемінде ең бір асыл мұраттың,  
Бақ үшін бе, сор үшін бе... бүр аттым,  
Қап-қараңғы ғасырлардың ұстазы,  
Өзін көру үшін жаққан шырақпын!..



\* \* \*

Ауырсынып шықты бүгін тұн мені,  
Жыларын да, күлерін де білмеді,  
Қуарын да, кетерін де білмеді,  
Ауырсынып шықты бүгін тұн мені.

Бұл тұн мені ауырсынып өткерді:  
Сағынышты, жалғыздықты, өкпемді;  
Қаралады, мазалады, жек көрді;  
Бұл тұн мені ауырсынып өткерді.

Ай «аз ғана тынықшы» деп өтінді,  
Жұлдыз «бәрін ұмытшы» деп өтінді.  
Құшақтады, сүйді, өпті бетімді,  
Содан маған жеңіл болар секілді.

Аңыз айтты, әрі мұңлы, әрі ізгі,  
Айта алмады аманатты, парызды,  
Айтты, айтты қаращаны, тамызды,  
Мен ертекке алданатын тәрізді.

Бір мезгілде «үйқы бер» деп сұрады,  
Бір мезгілде қып-қызыл боп жылады.  
Бір мезгілде, таусылды ма шыдамы,  
Талықсып кеп, талығып кеп құлады.

Ауырсынып шықты мені тұн бүгін,  
Ауырсына көрмендерші, құлдығым...  
Екі ғашық секілдендік екеуміз,  
Жек көретін бір-бірін...  
Ауырсынып шықты мені тұн бүгін.



\* \* \*

Құстар қайтты топ-топ боп, тоқтасын ба?  
Бау тағарға бірі де жоқ қасымда.  
Көкке қарап қанатсыз пенде қалды,  
Ақыраптың ақырғы аптасында.

Қалдым солай, қасында қалғандардың,  
Қала-қала қатыгез болғандардың.  
Қатал болып кетермін мен де бір күн,  
Ақырына жеткенде армандаудың.

Ай, азабым ішімде, айтам ба әр күн,  
Көктем келмей құстарды қайтарған кім?!  
Қарашы енді бойымның тоңазуын,  
Алматыға бір барып қайтам, бәлкім...

Тоңазу ма, шымырлап тараған мұң,  
Жоғалған іздеріндей жағалаудың?..  
...Тек ұшақпен ұшпаймын, қарай алман,  
Көздеріне төменнен қараганнын.

### **Элегия** *досым Бауыржан Қабашевқа*

Жетімек қозы күйін кешсем мен,  
Әкемнің жолы болмаған шығар, достым.  
Көктемгі таңды сүйіп өссем мен,  
Анашым долы болмаған шығар, достым.  
Көзімнің жасы әлі кеппесе,  
Көкем деп біреу сұртпеген шығар, достым.  
Есік қағуға батылым жетпесе,  
Ешкім де мені күтпеген шығар, достым.



Тентіреп жүрсем сөздің өтінде,  
Сырласып олар көрмеген шығар, достым.  
Сопайып тұрсаң топтың шетінде,  
Сұрайтын адам келмеген шығар, достым.  
Ешқайда бүгін асыға қоймасам,  
Зарығып бір жан тоспаған шығар, достым.  
Айқара тағы құшақ жаймасам,  
Елжіреп құшақ ашпаған шығар, достым.  
Қайтейін, бәрін ұғып тұрамын,  
Сонда да сүйем, сене білемін, достым.  
Таңертең үйден күліп шығамын,  
Күліп оралғым келеді менің, достым.

### *Bіr қара*

Көзімнің үшында бір қара –  
Сезімнің жетінші жұмбағы.  
Көзімнің үшында бір қара,  
Қолдарын қатыгез бұлғады.  
Көзімнің үшында бір қара,  
Қай жаққа қарасам – көремін.  
Көзімнің үшында бір қара,  
Кусам да жете алмай келемін.  
Көзімнің үшында бір қара,  
Құбылып-құбылып барады.  
Көзімнің үшында бір қара,  
Ол неге мазамды алады?!

Көзімнің үшында бір қара,  
Нұктеге айналды – жоғалды.  
Көзімнің үшында бір қара,  
Нұктеден қайтадан оралды.  
Көзімнің үшында бір қара,  
Бір кезде мен жаққа жүтірді.



Көзімнің ұшында бір қара,  
Көзімнің ішіне тығылды.  
Көзімнің ішінде бір қара,  
Өзіме үқсайтын секілді.  
Көзімнің ішінде бір қара –  
Бір бала кекілді.

### *...Келеді*

Кей-кейде сөйлегім келеді бәрінің атынан,  
Айқайлап жібергім келеді.  
О, сосын тұнеріп отырам,  
Әйткені, тұнергім келеді.

Тұнергім келеді қаһарлы қағандай,  
Жұзінде ғасырдың сесі бар.  
Күмілжір бұл әлем кілтімді таба алмай,  
Йә, әлем!  
Несі бар?!

Кім айтар ондай ұл тумас деп бұл дала,  
Толағай.  
Дүние, кеуденді бұлдама,  
Менің де кеудем бар даладай!

Кей-кейде құлқім де келеді бәрінің атынан,  
Қарқылдалап жібергім келеді.  
... жай ғана жымыш отырам,  
Жылағым келмейді, себебі.

Жымығым келеді бір сайқымазақтай,  
Қартайған, қажыған, ашынған.  
Құлуге болады өзінді мазақтай,  
Ұруға болады басыңнан.



Келеді, келеді, бәрі де келеді,  
Әйтеуір, жүрген соң өлмей құр.  
Келгені – кетеді, туғаны – өледі,  
... Кімдікі келмей жүр?!

**Сен жылама, досым!**  
досым Біржан Сейсенгалиевке

Сен жылама, досым,  
Адамның көз жасы сондай терең,  
Тұншықтырып аларсың оны.  
Ол – аппақ шашты өлең –  
Дүниенің мені.

Сен жылама, досым,  
Оның жанына жып-жылы қанат бітті,  
Ол – сағыныштың қанатты өлеңі.  
Оны Аспан күтті,  
Тоқтата алмайды Жер оны!

Сен жылама, досым,  
Ақ тамақ көгершін еді,  
Мойнына тағдыр қызыл бау тақты.  
Оны да, сені де, мені,  
Жүрегімен құшақтап жатты.

Сен жылама, досым,  
Тәңірі қызғалдақты өз бағына алды,  
Самалы – жұмақ демі.  
О, сонда да бізге ақырғы жылау қалды –  
Бір ғасырлық ең кемі.



\* \* \*

Майлы бояу май айы,  
Жан-тәніңе түн жұғар.  
Көктем – мезгіл әйәйі,  
Құмары бар, тынжы бар.

Әлі кебе қоймаған,  
Күн шуағы таңдағы.  
Әлі сөне қоймаған,  
Жаңбыр ізі – жап-жарық.

Тағы тұрып... түн іші  
Бір ғасырға көнердім.  
Түзде – қоғам жұмысы,  
Үйде – ісі өлеңдің.

Тағы түнмен таласып,  
Бір ғасырға жаңардым.  
Түзде – адам баласы,  
Үйде – әкесі адамның.

Сана – заман шалығы,  
Көңіл – құстың тауысы.  
Ит даусының жарығы,  
Ай нұрының дауысы.

Түннің жады – қыз жады,  
Жуар бәрін жаспенен.  
Жазу керек бізге әлі,  
Жазылмаған баспенен.

Абдыру бар, алаң бар,  
Армандар бар құлаты.  
...Жасарады адамдар,  
Қартаяды уақыт.



\* \* \*

Түнімен ауырды бұлттар,  
Желтоқсан жөтеліп шықты.  
Ештеңе таппадым ұрттар  
Уайымнан мықты.

Ізбадым тұнде,  
арды көрдім.  
мәлім тілде  
дім.

Айды қыста,  
өшшелі алтын.

\* \* \*

Қараңғы бұрыштардан,  
Қарандап көрінемін.  
Бармаған жұмыстардан  
Қайтуға ерінемін.

Басқаның келісімін,  
Өзгеден сұрап тұста,  
Гелефон желісінің  
Ішінен шығар тұста.



Алдынан сен кезіктің,  
Артында пешенениң.  
Екеуміз тең кезіппіз,  
Алматы көшелерін.

Қаранды бұрыштардан,  
Қарандап көрінеміз.  
Алмаған жұмыстарға,  
Баруға ерінеміз.

\* \* \*

Ұйықтап жатып, жылап шықтың түнімен,  
Сен күліп ең, мен де содан күліп ем.  
Неге, неге, бейсанага ендің сен,  
Неге, неге, бейуақта жүріп ең?

Тұзың ба әлде, өзің де әлде женіл ме ең?  
Жүректі ая жаралмаған темірден.  
Тәнір саған бермегенді, ботам-ау,  
Неге іздедің, неге іздейсің өмірден?!

Жүрекке ауыр – көңіліңдің кемсеңі,  
Жүрекке ауыр – сеніміңдің өлшемі,  
Жүрекке ауыр – жалғыздықтың көз жасы,  
Қалай ғана қорғай алам мен сені?

\* \* \*

Сезім серіден болғанда, ойым өрден,  
Құсалы өткен күндердің қайыры елден.  
Бұлтты күні не амал боздағаннан,  
Көп адамға не абзал кейігеннен?!



Өзегімнен шымырлап шықты мұңым,  
Айтшы соны қай кісі үқты, күнім?  
Саған мәлім, қалқатай, мен мұңайсам,  
Айға ұлыған арманға күптілігім.

Сыртқы барды түгендер, ішкі жоғын,  
Тәнір жақты тұспалдаң тұсті жолым.  
...Жүргімнің басында қып-қызыл шоқ,  
Аузымды ашсам ұрады ыстығы оның.

\* \* \*

Мені көп сақтайды іштегі бір ұстам,  
Өзгермес кенеттен, құбылмас оқыстан:  
Солтүстік батыстан,  
Оңтүстік шығыстан,  
Солтүстік шығыстан,  
Оңтүстік батыстан,  
Жел соқты, жел соқты, қай тұстан, білмеймін,  
Тұстік пе, терістік?  
Соғады-соқпайды,  
Айтпаймын, ашпаймын, жыламан, күлмеймін,  
Іштегі бір ұстам мені көп сақтайды.  
Тауларым, көлдерім, орманым, жолдарым,  
Желменен жіберді өңдерін-тұстерін,  
Жел соқты, жел соқты, жеткізді ол бәрін,  
Мені көп сақтайды бір ұстам іштегі.  
Жел соқты, жел соқты, сергітті соққан жел,  
Ауырлау-женілдеу, азырақ-көбірек,  
Сен келсөн, сен келсөн жел соқпас жақтан кел,  
Іштегі бір ұстам сақтайды мені көп!..



## Элегия

Жаңа Париж.\*  
Көктем. Кеш.  
Бастилия. Жаңбыр. Мұн.  
Бастан адам өткермес,  
О, несі бар тағдырдың?!

Ертеректеу мұнан сәл  
Соның мәнін ұқтым ба?  
Бір сағыныш, бір аңсар  
Бастилиядада тұтқында.

Бет пердесі темірден,  
Жоқ жібек пе, тор дей ме?..  
Көзін сұртіп өмірмен  
Қарауытқан сол бейне...

Жанын елден жасырып,  
Сыр да ашқысы келмейді.  
Сен кешірші, жас үміт,  
Ол бүгін гүл бермейді.

...Не естімей лебізін,  
Не соңғы сәт көрмеген,  
Сол наурыздың сегізі,  
Ол әжесін жерлеген.

\* *Жаңатас қаласы*



\* \* \*

Сенгем бүгін!  
Жаңа күн шуағы да,  
Теніздің толқыны да,  
Караша тұманы да,  
Найзағай жарқылы да,  
Сәуірдің жаңбыры да,  
Таулардың киесі де,  
Құстардың тағдыры да,  
Жолдардың иесі де,  
Тандардың сәлемі де,  
Кешкілік сүйісу де,  
Даланың селеуі де,  
Кітаптың иісі де,  
Ағаштың тамыры да,  
Гүлдердің ғұмыры да,  
Көкжиек сағымы да,  
Қанаттың қыбыры да,  
Әлемнің жұмбағы да,  
Мәнгілік мұндары да,  
Махаббат құрбаны да,  
Сағыныш құлдары да,  
Құнтізбе күндері де,  
Ғасырлар жаны мұңды,  
Сағаттың тілдері де,  
бәрі де бәрі білді:  
Жыр жазғым келгендігін!



## *Шалық*

Білмеймін, қашан мен жолға шықтым,  
Оятты, о, кім ғарыш ұлын.  
Айкезбелік пен ойкезбеліктің,  
Арасын кезген жолшымын.

Жүреді жарты ай жанымда қалқып,  
Ашылса түннің жанары.  
Басымның сол сәт сүйегі балқып,  
Шыраққа ұқсап жанады.

Қалықтап көкке көтерілемін,  
Сеземін бір күш бүргенін.  
Сеземін сұық ғарыштың демін,  
Сеземін жанның дірдегін.

Шақырады аспан жүлдyzды жолға,  
Күс салып өткен жолым бар.  
Ояна бастап таулар да сонда,  
Мұхитқа келіп шомылар.

Көшпенді-жүрек кеудемде-галам,  
Бір жолаушы едім адасқақ.  
Мың бір шырақты әлдебір шаман,  
Жолымды жүрер аластап.

Биікке кетем, бәрінен жырақ,  
Шақырмандаршы, сұранам!  
Қарасам төмен, кетем-ау құлап,  
Періште сынды құлаған.



## *Bіr күні мен...*

Бір күні мен ауысқам бір жұлдыздың түбінде,  
Құрсағынан анамның – құрсағына ғаламның.  
Бір күні мен құдайдың құдіреттілігінде,  
Үңгірінде қоғамның қапияда жоғалдым.

Бір күні мен айтамын ұл туғанын атадан,  
Жалғыздардың жүрегі – жаратқанның сүрені.  
Бір ойларым қашаған, бір ойларым жатаған,  
Бірі үйге түнеді, бірі түзде жүреді.

Бір күні мен күлемін күрек тісім көрініп,  
Сезім әлі тірі деп, төзім жаны сірі деп.  
Бір күні мен жылаймын көз жасыма беріліп,  
Сордың соңы бір тамшы, бақтың басы  
бірі деп.

Бір күні мен аттанам ар жағына айнаның,  
Жаралмаған аралға, жасалмаған қамалға.  
Бір күні мен хат жазам ғашығыма беймәлім,  
Ерініне сезімнің үркөр жұлдыз қонарда.

Бір күні мен мәңгілік күбірінен құтылам,  
Мені мезі еткеннің, менен безіп кеткеннің.  
Бір күні мен жұлдыздың жанарына жұтылам.  
Ақырында өткеннің, әуелінде көктемнің.

## *Өттім*

Алып қала – алаңғасар, аңғал тым,  
Алданады қасынан да, досынан.  
Марғай бұлттар мағынасыз маңған тұн,  
Өтіп бара жаттым үнсіз қасынан.



Тұрды жігіт, қызды құшып, иіскең  
Шылым іісі сіңіп қалған шашынан.  
Мен де талай, бәлкім солай сүйіскем,  
Өтіп бара жаттым үнсіз қасынан.

Духаналар – жүзім қаны, нан жасы,  
Қайрауықтың күйіндей ме, ғасыл ән?!  
Көңілімде келер күннің таңбасы,  
Өтіп бара жаттым үнсіз қасынан.

Вокзал, вокзал... Қайда асығар адамдар?  
Мен ғой менің ғасырыма асығам.  
Әлдекайда әлдекалай қарандап,  
Өтіп бара жаттым үнсіз қасынан.

Қаңғыбастар, қайыршылар, кезбелер,  
О, арымды қайда апарып жасырам?!  
Сезім де өлер, сенім де өлер, сөз де өлер,  
Өтіп бара жаттым үнсіз қасынан.

Үнпарактар, қорғандағы жазбалар,  
Жарнамалар, жол бойында жосыған.  
Бойжеткендер... Нени бұлдан назданар?!  
Өтіп бара жаттым үнсіз қасынан.

Тұрғын үйлер – берілмейтін, берілмес,  
Көшпес ақын, көше алмайды қосынан.  
Мұнды жырдай тағдырыммен көрінбес,  
Өтіп бара жаттым үнсіз қасынан.

Сезбей сезіп, ойсыз тағы ойланып,  
Кітаптардан күдіктеніп шашылған...  
Бәлкім бәрі бір-біріне байланып,  
Өтіп бара жатты ма үнсіз қасымнан?!



\* \* \*

Бізден бұрын жаратылған Даңа бұл,  
Сізден бұрын жаратылған Ана-қыр,  
Одан бұрын жаратылған Ата тұз,  
Бізден соң да қалады.

Біз де содан жаратылған ұланбыз,  
Сізге өмір бергенін де үғармыз,  
Оған өмір беруін де сұрармыз,  
О, мың алғыс, мың алғыс!!!

Даңа бізге, біз даңаға иеміз,  
Сіздің мұнда обалыңыз, киеніз,  
Оның мұнда бабасының сүйегі,  
Сондықтан да сүйеміз!

Атамыздың жағасынан алдырмай,  
Анамызды күрсініске салдырмай,  
Арман жоқ-ау ажал құшсақ арлы ұлдай,  
Топырақты қор қылмай!

\* \* \*

Даңа, даңа, ұлы даңа,  
Ақылы – Аға, есі – Еге,  
Қайғысы – Ақын, мұны – Даны,  
О, тәқаппар пешене!

Мен көтере алар ма екем,  
Сен көтерген киені,  
Маған жеңіл болар ма екен,  
Бабалардың сүйегі!?



Дала, дала, ұлы Ұйық,  
Ұят – қызы, ары – ұлы,  
Болмысы – асқақ, сыры – биік,  
Жазмышымның жарығы!

Мен көтере алар ма екем,  
Сен көтерген орданы,  
Маған женіл болар ма екен,  
Балалардың арманы?!

Ұлы дала, ұлы аспан –  
Уақыттың жүзігі.  
Күні – аңыз, түні – дастан,  
Маңдайымның сыйығы!

### *Kaner (әңгіме)*

Тағы жерідім, тағы да айныдым,  
Тағы да кірді ғой ортаға қара түн...  
Қош келдің, Жалғыздық,  
Қош келдің, қайғылым,  
Жан таппай мұң шағып баратын,  
Жан таппай жанымды ұфатын,  
Сенделтті бұл шаһар көшесі:  
Дәл осы көшеде ұрланып мұратым,  
Жоғалған арманның нешесі.  
Көзімнің ұшында  
Көшелер өледі...  
Ар жағы мәңгілік арманның мекені.  
Кей-кейде сол жаққа тартқым-ақ келеді,  
Ал шешем не етеді?!

Көк базар-дүние жайлар бұл беткейді,



Білмейді ол бірақ ақшада жас барын.  
Ойлансам, ойымнан қайыршылар кетпейді,  
Ол бәлкім өзіммін, ал мүмкін достарым.  
Тұнгі оттар шақырап алыстан-алыстан,  
Жолаушы-жүректі қайда ерттің көшелер?!  
Оянсан – нақұрыс, ұйықтасам – данышпан,  
Көшелер секілді шып-шиыр пешенем.  
Көшелер – пешене,  
Тұқпірлер не түрлі,  
Әр жерде өткеннің өрнегі.  
Көшелер ескірген ленталар секілді,  
Есіме салады әрнені:  
Мына бір еңселі үй  
сelt етпеу, таң қалмау, сенбеуге ескерткіш  
екенін кім ұғар?!  
Бір кезгі жүрек бұл: арманшыл, аңғалдау,  
Ал қазір бірі жоқ, тек қана мұны бар.  
Жарығы сөніпті... енді ешкім кірмейді,  
Шықпайды енді ешкім әркелеп.  
Неліктен?  
Ешкім де білмейді,  
Бір сұлу тұрғанын біледі ертерек.  
Ол жайлы жан таппай шындықты сұрайтын,  
Ойымнан шығарам, сөйтетін көбісі.  
Мұңайса – құлетін, қуанса – жылайтын,  
Хат жазып жүретін өзіне о кісі... –  
Ол – мендік махабbat, биікке ұмсыну,  
кештеткен онсыз да кешіккен көктемді.  
Ол – бәлкім – құбызық, болмаса – тым сұлу,  
Қайсысы болса да, жалғыздық боп келді!  
Сұлулық бірде оған өкініш тілінде,  
Ертегі айтыпты обалы бес елі,  
Сол күні ол ұйықтап бұ дүние тұнінде,



О дүние таңында оянған деседі.  
Өлді ме?  
Мүмкін, жоқ!  
Өкініш өтпей ме?!

Тірілтіп алған да шығар-ау кей көктем...  
Біреулер айтып жүр, қарайды деп кейде,  
Сол сұлу жаңбырлы тұн сүйген әйнектен.  
Міне, енді, сол көше,  
Қараңғы күндіз де,  
Бұзылған секілді келісім:  
Сұлуды «Бақытты!» деп айтты кім бізге?  
Ақын да бақытсыз сол үшін!  
Бір сәтте табылдым, бір сәтте жоғалдым,  
Махаббат көшесі жоғалған!  
Мен содан түніліп, іздеуді доғардым,  
Мен содан тасжүрек боп алғам!  
Тағы да жерідім, тағы да айныдым,  
Тағы да кірді ғой ортаға қара тұн...  
Қош келдің, Жалғыздық,  
Қош келдің, Қайғылым,  
Тек қана ақында болатын!

### *Kerbaқ (ыза жыры)*

*«...Нәлет біздің жүріске!»*

*Асан Қайғы*

Сөзімнің алты атасын,  
Сезімнің бес енесін,  
Саудалап,  
Бұлданған бұл басымды,  
Қарғыс бағының қарғалары қаумалап,  
Сері мандаймен салтанат құрмасымды,  
Сездіре алмас демедім,



Бездіре алмас демедім,  
Ұғынғам:  
Желігім – жezтырнағым,  
мастығым – мыстаным,  
Ой құрсағында кейіпке ене алмай құбылған  
өз басым – жалғыз дос, жалғыз дүшпаным!  
Жыртық шекпен ішінде,  
Олигархиялық пішінде,  
Жеткенге,  
Жетісіп тұрып ұшындым:  
Күнкөріс дүкені кіргізбегендे  
шекпенде,  
өзім түгілі үміт те жоғын түсіндім.  
Жылан құйрықты қылышы,  
Дар арқаны – бұрымы,  
Масанды,  
Жалынсыз құшақта қалыңсыз құшқаным.  
Құмырсқаға көтерткендей қос алма,  
Сонша гөзәл болса да,  
Осы ма еді-ау аңсаған ұшпағым?!  
Жүректің ғайып-еренін,  
Көнілдің қырық шілтенін,  
Мазақ қып мастанған  
бұл күніме түкіріп,  
бүгінімді өлтіріп,  
«Жасасын азаттық!»  
деп,  
кеткім келеді ертеңіме жұтылып!  
Көзінде құдайды өлтірген,  
Сөздері сайтан келтірген,  
Бейуақ,  
Төрге қарап сәлем берген,  
Бүкіл әлемнің наласын қарашығына құйып ап,



Сүрінгенін

Кұлап жатқан сенен көрген,  
«Сүйкімділермен» сүйісіп,  
«Құрметтілермен» күйісіп,  
Оу, мен не етпедім?!

Желге қарап ыскырғам,  
Шығарып сап пәктігімнің соңғы көктемін,  
Жылмаған көңіл төсегін ібіліске құштырғам.  
Жүректегі хаты Алламның,  
Алғашқы аты арманның –  
Өлеңім,  
Өлі әлемімді кезіп жүрген тірі елес!  
Жыладым – жалғыз, күлгендे көп едім,  
Жә, кетейік,  
Біздің үйір бұл емес!!!

### *Манифест*

Далқын сала, сала далқын,  
Біздің маусым жаңбырлы.  
Калғулы кеш қала халқын,  
жылы сөздер тондырды.

Өниет пен Әдебердің,  
туды ұлы заманы.  
Ей, жас жүрек, неге келдің,  
бұл кезеңге жаралы?

Нені іздедің, үміт ұлы,  
жас ойлардың бауыры?  
Басталғанда ұмытылу,  
ұмытылу дәуірі...



Жалғыздық – дос, серт адамға,  
өмір сұру – ой кешу.  
Қалдыр бәрін Керқаламға,  
Өзі жайлы сөйлесін.

Кеттік, достым, назалы шер,  
женер бізді, себебі:  
бұл кезенде таза өнер –  
ол – үндемеу өнері!..

### *Fасыр Моно Лизасы*

Олар тағы қуыршақ ойнады,  
Қуыршағы сен бе деп сескендім...  
Неге ойладым,  
Неге кеш келдім?!

Тапырактап жүгірді біреулер,  
Жан терезесіне лай атты.  
Ақ үмітінді мысық тілеулер,  
Қып-қызылға бояпты.

Құс жолына шейін тінтідім,  
Таппай... шошындым түсінен:  
Қара тұн байғыздың сұнқылын,  
Қайталағанда ішінен.

Тұтаттым ең соңғы сезімді,  
Үдерде жанның бүрсөні.  
Құнғе тапсырсам деп ем өзінді,  
Жібермеді тұн сені!..



Тым кеш ояндым,  
Ерте асылдың...  
... Осынау қалындығы бояудың,  
Сұлулығы мағасырдың?!

### *Cіз кедейсіз...*

Сіз кедейсіз,  
Ақылдысыз несіне?  
Несіне күрсінесіз кей тұнде?!

...Қоғамдық пікірлер есінеп,  
Қоғамдық көліктегердегі қариялардың кейпінде,  
Тұр әне!..

Немересінің достары, бәлкім,  
(Айналдым!)

Отыр.  
Көзінің шырағы,  
Ардагерлері болашақ майданның.  
Сіз кедейсіз.

Сіздің ақылыңыз – сол қарияның шашы  
ағарған,  
Кедейлігіңіз – оның көңілі,  
Күрсінісіңіз – қатыгез жылдарға тоналған  
Өмірі!

Кедейдің ақылы  
Оның аш қалуына толық жетеді.  
Адалдық жайлы ұрандардың мәтіні  
жазылған  
қағаздарды кемірудің не екенін  
сіз білесіз, тегінде,  
Ол қағаздар айналмайды ақшаға!  
Менің де  
Кедей болуга басым жетті, жақсы аға!



Күрметтеудің дәуірі өткен кедейді,  
Сондықтан,  
Көбінің кедей болуға батылы жетпейді...  
... Еңбек етпеген нан жемейді!  
немесе  
Нан жемеген еңбек етпейді!

### *Инкогнито*

Менің мұнды ойларымның ішінде:  
әлем, тағы өлең асқақ пішінде.  
Сыртында оның өмір мәңгі үйқыда,  
Өмір... мені көріп жатыр түсінде.

Аласұрып, байыз таппай әлемде,  
Айналамын өлеңге.  
Мендік ғұмыр – сую жайлы жасыл түс,  
Өлген тілде жорып қойған әуелде.

Сұп-суық тер маңдайында ғұмырдың,  
Тұңілдім.  
... Өмір мені көріп жатыр түсінде,  
Ал мен оның өңіне қарай жүгірдім,  
Сосын, шошып... өзіме қарай жүгірдім...  
Оянуға асықпандар, адамдар!

### *2012 жыл*

Таныс дауыс естілсе үй тұсынан,  
Балкондағы көршінің иті шығар...  
Өлең жазып шыққандай түні бойы  
Қала бүгін кеш тұрды үйқысынан.



Таңғы газет кешікті... кешігеді,  
этеш болмас ит әлі неше үреді.  
Өткен тұннің баянын айтпақшы ма,  
Сымда отырған торғайлар есінеді.

Мемлекеттің мерейлі естілді әні,  
Ол да таныс ақынның ескі ырғағы.  
Әдетінше кеш жатқан қала тұнде,  
Әдеттен тыс несі екен кеш тұрғаны?

Қала бүтін кеш тұрды... шар айналар,  
Шырайналар, айналған – арайланар.  
Жарық күнді көргендей мың жылдан соң,  
Неге аспанға үздігіп қарайды олар?

Қамсыз жатқан халықты қара-құрым,  
Мешіт пенен шіркеуге қамады кім?  
Пенде болып ұйықтаған тұнде ғана,  
Пайғамбар боп оянды қала бүтін.

Бір сәтті де қия алмай тұңілуге,  
Бір-біріне адамдар үнілуде.  
Бірі ойлады: «Өлуге бола ма екен?»,  
Бірі ойлады: «Бола ма тірілуге?».

Сонша үрейлі болар ма көк түнегі,  
Көрінбейтін көз неткен өткір еді!  
Тым құрыса, суретке түсіп қалар,  
Бір пайғамбар келсе екен деп тіледі.

Қыын екен адамға көк сынағы,  
Болмыс әлі о, талай көп сынады.  
Келмеді ОЛ.  
Сонда олар бір-бірінен:  
«Пайғамбар емессің бе?» деп сұрады.



Ізгі хабар әлдекім таратар ма,  
Таратар ма, тағар ма қара таңба?  
Сақталмаған түн өтті ешбір еске,  
Ақталмаған үміттің таңы атарда.

Көктен сол түн әулие емес, сенім кепті,  
Адамзаттың күнәсі женілдепті.  
Ешкім бұғауланбапты жартасқа да,  
Айқышқа да еш адам керілмепті!

Ештеңе де болған жоқ. Әлем аман.  
Сәл мысқылмен қарайды өлең оған.  
Таңғы газет кеп жетті, жазыпты олар:  
«Пайғамбар боп шығыпты пәлен адам!».

Күнтізбенің жыртылған паралы – алтын...  
Жыртты, әлде жыртпады қала халқы.  
...Сондай ма еді, япыр-ау, есімде жоқ,  
Януардың біріне қараған түн.

### *Бумеранг*

Шаршатты бары, аңсатты жоғы,  
Сертінен дүние тайды ма-ай?  
Мен – Оғылан ем – Түркінің оғы,  
Адырна таппай,  
Адастым көкем Қайғыдай.

Солықтап, өксіп, ауырды басым,  
Қырға да алан, жырға алан.  
Жыласа енді сәуір жыласын,  
Жыламаймын мен,  
Нұрлы адам!



Бұйығы өткен бала шағым-ай,  
Бұлығып шыққан шер – өлең.  
Мұңайсаң енді, қараша, мұңай,  
Мұңаймаймын мен,  
Жар әлем!

Емексіп жүріп өлем бе, құрысын,  
Еміренбесең – назым қай?  
Оқылса енді өлең оқылсын,  
Оқылмаймын мен  
А сызықты жазудай!

\* \* \*

Тұған Айды керілген,  
Жаңа шыққан Қунімді,  
Сүйілмеген, сүйілмеген ерін мен  
Сипалмаған, сипалмаған бұрымды,  
Жаңа жырды жаттаған,  
Қонақтарды күтпеген,  
Ақ жағаны әлі галстук тақпаған,  
Иықтарды әлі жұлдыз бітпеген,  
Жас үмітті – ақ шәлі,  
Мен жүрмеген жолдарды,  
Саусактарды санамаған ақша әлі,  
Әлі құлып ұстамаған қолдарды,  
Көзін ашқан бұлакты,  
Құрақ сылқ-сылқ құлгенді,  
Мақтау естіп үлгермеген құлакты,  
Файбат айтып үйренбеген тілдерді,  
Шыракты әлі жанбаған,  
Жаз гүлінің қауызын,  
Ешнәрсенің дәмін алып болмаған,  
Сәбілердің сүп-сүйкімді ауызын,



Адал неке жүзігін,  
Жүректердің дұрсілін,  
Лап ететін бет ұшының қызылын,  
Жер шұқыған бәтіңкенің тұмсығын,  
Құрметтеймін!!!

\* \* \*

Көктем – жас көңіл ғой, жүдесе болар күз,  
Өзгелер тонайды, өзіміз тонармыз...  
...Ұсқынсыз ғасырды амалсыз сүюмен,  
Біз басқа дәуірді оятып алармыз.

Оянған жүректің беймаза ұлуы,  
Оятар арманның үйқылы сұлуын.  
Жыласа, жыласын ақынның жүрегі,  
Қайтарып беруге қайғының қулуін.

Қайтарып беруге дәуірдің үмітін,  
Жыласын жүрегі, жыласын күні-тұн.  
Көз жасың әлемді құтқара алса егер,  
Жылаудан қорықпа, жігітім.

Һәм бүкіл ғарыштық кеңестің тұнінде,  
Ақынның жүрегі күбірле, күбірле.  
Тіл үнсіз қалғанда сөйлейді жүректер,  
Сөйлейді жүректер өлеңнің тілінде.

Кеңеске мүше еді ол тумай-ақ – туғалы,  
Сол тұні шешілер әлемнің жұмбағы.  
Бар ақын сол тұні бір ақын болады,  
Бір ақын болады сол тұннің құрбаны.



Күрбандық сол ақын – өлген ол-өлмеген,  
Сөйлейді күнменен, сөйлейді желменен.  
Ақындар, ақындар – Абылдың ұлы ғой,  
Ешқашан өмірге келмеген.

Мәңгі сөз жарату – ерегіс өліммен,  
Ақындар жеңілмес! Патшалар жеңілген!  
Бәрінің артынан күледі ол тарихпен,  
Көз жасын сүртеді өмірмен!

Көктем – жас көніл ғой, жүдесе болар күз,  
Өзгелер тонайды, өзіміз тонармыз...  
...Ұскынсыз ғасырды амалсыз сүюмен,  
Біз жаңа дәуірді оятып алармыз.

### *Елден келген*

Бұл да бір бейнет көрген бала дерсін,  
Жә, болсын, біздің үйде-ақ бола берсін.  
Тарпаңдау түзден келген туғаным ғой,  
Қыдырсын, қызық көрсін, қала көрсін.

Ас көтер, әй, жеңгесі, артық тартып,  
Сорпасын бір ішейік сарпып-сарпып.  
Ет жесе бала жесін елден келген,  
Құмығып, құшырланып, қарпып-қарпып.

Қыз көрсін қыр баласы – қыздар бағын,  
Қаланың балконда өскен қызғалдағын.  
Менде бар үш көйлектің біреуін бер,  
Және бер топылиды... қызғанбағын.



Күлгендे жүзі емес, жаны күлсін,  
Бұл жүрттың жайдақтығын тағы білсін.  
Ел жайлы сөз айта алмас құрдастарын,  
Көтеріп бөренедей алыш ұрсын.

Тіл айтса, тамыздырып елден сөйлер,  
Кең сөйлер, көркем сөйлер, төрден сөйлер.  
Бір аңыз былтыр жазда бітпей қалған,  
Дәл сол бір бітпей қалған жерден сөйлер.

Бұл жақта бір ағам деп кеп қалғасын,  
Риза қыл, жақсылықтан шет қалмасын.  
Нағашым насыбайын шырт түкіріп:  
«Бұл жиен ел болмады» деп қалмасын.

### ***Әлем жанына хат*** ***(бесінші элемент)***

Жан ханы, ойлар қағаны,  
Сұлтаны сезім біткеннің,  
Ол неге, сені жіберді,  
Мен оның өзін күткенмін.

Қалайша, лайықсыз неме,  
Келуге батылың барды?!  
Сайтанға үлестірген бе,  
Періштем шақыруларды?

Шақыру хаттарын жазғам,  
Қарсы алу аңсарыменен.  
Келмеді... Күтпеген келді,  
Әлде ол шаршады менен?



Жап-жасыл жасым ағады,  
Күп-күрен қөзімнен менің.  
Сезгенді ауырсынамын,  
О, сосьын, сезілмегенін.

Лайықсыз, қалайша келдің,  
Қалайша хабар сұрадың?  
Айтайын, амалым нешік,  
Айтпауға обалсынамын.

Айтып бар, Әлем жанына,  
Аманат аһ ұруларым.  
Жоғалған күтулерменен,  
Адақан шақыруларым.

Айтып бар, жүргегім тозар,  
Сүйкімсіз сүйретулерде:  
Айналдым бейімделгенге,  
Айналдым үйретілгенге.

Бұл кәрі кезең ішінде,  
Жас жаным шыбынша айналды.  
Үйретті Ыза ұлуды,  
Мен оған тілін шайнауды.

Жүректің тісі қышыды,  
Уақыттың тілін шайнадым.  
О, сосьын, өзімді емес,  
Мен оны бірінші ойладым.

Өзімді-өзім ұқпадым,  
Ұқса, сол ұтатыны анық.  
... Мен журмін күлегеш оймен,  
Сезімді жылатып алып.



## Жолшы

Жолшы, жолшы, жолшы,  
Қасына ерейін, қабағынды берші.  
Жолшы, жолшы, жолшы,  
Жүзінді көрейін, қайырыла көрші.

Жолшы, жолшы, жолшы,  
Жалғызымды шалайын, қонағым  
болшы.

Жолшы, жолшы, жолшы,  
Жастығың болайын, жаныма қоншы.

Жолшы, жолшы, жолшы,  
Жолыңа қарайын, хабарың салшы.  
Жолшы, жолшы, жолшы,  
Қайғынды алайын, қайғымды алшы.

Жолшы, жолшы, жолшы,  
Қызметінді қылайын, кідіре тұршы.  
Жолшы, жолшы, жолшы,  
Саулығынды сұрайын, саулығымды  
білші.

Екі де дүниенің екілеу арасын,  
Баян қылмайсың, жолшы,  
Айыбым қайсы, жолшы,  
Жан арбайсың, жолшы.  
Аял қылмайсың, жолшы,  
Қайырылмайсың, жолшы,  
Оралмайсың, жолшы,  
Мені іздеп әлі кетіп барасың.



## *Ромбтар*

Ол –  
Ғашық  
Ғарышқа –  
Тәңір мәні:  
Оның жаны –  
Алысқа  
Асық  
Жол

\*\*\*

Сен –  
Сезім  
Жылатқан,  
Жұбатқан да.  
Сынақтарда  
Шыдатқан  
Төзім –  
Мен.

\*\*\*

Тұн –  
Теніз  
Шалқытқан,  
Тебіренткен.  
Еміренткен,  
Толқытқан  
Егіз –  
Мұн.



\*\*\*

Гүл –  
Көңіл  
Сүйкімді,  
Махаббатты.  
Шапағатты,  
Сиқырлы  
Әмір –  
Нұр.

\*\*\*

Бақ –  
Аспан  
Еркесі –  
Тәнір құсы.  
Әмір-мысы  
Ел сесін  
Басқан –  
Тақ.

\*\*\*

Жан –  
Әлем  
Жұмбақты,  
Сағым-нұрдан.  
Табындырған  
Қымбатты  
Өлең –  
Ән.



\*\*\*

Тіл –  
Тәңір  
Дарытқан  
Киелі асыл.  
Сүйегі асыл  
Халықта  
Тамыр –  
Діл.

### *Беймезгілде көрген тұс*

Шынымды айтам, жерді жүтқан  
мен емес,  
Мен емес, мен емес!  
Айды жүтқан сен емес,  
Сен емес, сен емес!  
Күнді жүтқан ол емес,  
Ол емес, Ол емес!  
Шынынды айтшы, бүгін күнді  
көрдің бе?  
Көрдің бе? Көрдің бе?  
Ай көрмедім мен мұлде,  
Мен мұлде! Мен мұлде!  
Елесі жоқ жердің де,  
Жердің де! Жердің де!  
Үшеуміз-ақ, үшеуміз-ақ тіріміз,  
Мен, сен, ол ғана.  
Бірімізді -біріміз,  
Алдамайық, алдама!



Мұңымызға мұңымыз,  
Арымызға – ар ғана!  
Бұл – үрейлі қара түн,  
Кім болады серпуші?  
Ол – іздеуші болатын,  
Мен – қарауыл, сен – тыңшы.  
Кім бар таба алатын,  
Бар ма әлде Төртінші?..





## Дуалогтар





## 1.

- Бұл кім?
- Адасқан сәлеммін бейуақ...
- Бұл кім?
- Жоғалған соқпақпын кенет...
- Бұл кім?
- Босаған көңілмін кейуақ...
- Бұл кім?
- Азанғы азына жел ек.
- Бұл кім?
- Файыптан оралған жолшы!
- Бұл кім?
- Сен ести қоймаған есім!
- Бұл кім?
- Бұл сенің ертеңгі көршің...
- Бұл кім?
- О, бәлкім ертеңгі досың.
- Бұл кім?
- Қашқының – өзінен қашқан...
- Бұл кім?
- Бұл даала көп күткен ұлмың!
- Бұл кім?
- Жазыла қоймаған дастан.
- Бұл кім?
- Жаттала қоймаған Жырмың.
- Бұл кім?
- Ентіккен жігіттің демі.
- Бұл кім?



- Теніздің астындағы ағыс.
- Бұл кім?
- Тұтқынның еркіндіктегі...
- Бұл кім?
- Есігін таппаған қағыс!
- Бұл кім?
- Бұл кім?!

## 2.

- Мені ертең оятпа, досым.
- Ұйықтасын дейсің бе әлем?
- Тағы да сол үшін кешір...
- Кешпейді Өлең!
- Бізсіз де орнында бәрі...
- Ағартпа жүректің шашын!
- Ұйқыда Әлемнің Жаны!
- Оята алмай ма Ғасыр?!
- Ол үшін Мыңжылдық қажет.
- Пайғамбар күтерсің, бәлкім?..
- Бір Ғұмыр – бір ғана мезет.
- Қорлама Мезеттер Даңқын!
- Бір ғана мезетте не тұр?
- Мезеттер – мыңжылдық Жаны!
- Бір емес сақал мен кекіл.
- Сол Кекіл – сақалдың Мәні!
- Бір ояу қалқыды Ой көкте...
- Жанған ой! Жанған ой, сөнбе!
- Өзгеріс рухы – бір Сәтте!



- Сол сәттің белгісі – Сенде!
- Сүйемін тұнгі ақ Мұнды!
- Аппақ мұн – жүректің Гұлі.
- Сүйемін Үйқысыз Тұнді!
- Үйқысыз тұндердің ұлы!

### 3.

- Суығын қарашы кештің.
- Тондырған кеш емес... Фасыр!
- Адамға сенбейді ешкім...
- Қағазға сенеді жасыл!
- Өзіне сенбейді тағы әм.
- Өзгеге сүйейді арқа.
- Ортаны жасайды Адам.
- Жоқ, адамды жасайды Орта!
- Балшықтан жасай ма бала?
- Бұл ойын – Күйршақ Ойнау.
- Мидағы жара!
- Тамырды байлау!
- Бір парыз досты іздеп келмек...
- Бізді енді іздейді... Шүкір!
- Армандау – кедейге ермек!
- Көнбістік – қоғамдық пікір!
- Сұп-суық дірдек бар ойда...
- Жүректі аяймын бейбақ.
- Текке әуре болдың ғой шәйға...
- Сөзге – шәй, көңілге – қаймақ.
- Шәй жақсы, ащысы болса...



- Тұрмыс бар! – Кешеден қалған...
- Бөлмені желдетіп алса...
- Сөз естіп жүрерміз шалдан.
- Газетті көрдің бе бүгін?
- Құттықтай салайық...көңіл...
- Сонда да ашпайды-ей сырын.
- Өмір!..
- Балыққа шықса ғой, шіркін!
- Ауылда тамаша қазір.
- Осылай өлеміз бір күн.
- Иә, өмір – сәтсіздеу әзіл!
- Ә, сол бір жақсы дос қайда?
- Базарда. Он бес жыл... шәй...тұз...
- Сұп-суық дірдек бар ойда.
- Жүректі аяймын байқұс.
- Адамдар байыған сайын...
- Е, қазір қарайсың кімге?!
- Сорпадай сінді ғой шәйің...
- Бір демдеп әкелейін бе?
- Жә, болар, болармыз күпті.
- Бұйымтай... Жүрістің жөні?
- Әуресі қажеттіліктің...
- Е, қайсың іздедің мені?!

#### 4.

- Сен мені көрмедім деші...
- Тұн бізді сатады бірде.
- Өзінде бар ма оның өші?



- Гүлдер!
- Қыршақ ойнайды өмір.
- Құстардан хат келмей жүр ғой!..
- Мұң деген – балқыған темір!
- Шыңғырып жіберер бірде Ой.
- Қабырға көрсетті тілін!
- Айнадан біреу түр қарап!
- Тойлап жүр ол өлген күнін...
- Өзі-өзін тонап!
- О, неге ашылды есік?
- Бәрібір бер жағы да тұз...
- Қыздардың көз жасын кешіп...
- Бөлмеде жат із!
- Берірек итерші тауды.
- Тсс... Жұлдыздар шоқынып отыр.
- Мм... Сагат жиырма беске ауды.
- Ол әлі үйқысыз жатыр.
- Бір уыс сәүле әкеп шашшы...
- Жымып кім отыр мұнда?
- Үнсіздік дауысы – абы!
- Қар жауа бере ме жылда?
- Мені өзім шақырып алдым.
- Мені де шақырған өзім.
- Өзімді сен бе деп қалдым...
- Ұқсайды көзің.
- Ей, қайда кеттің? Қашпа!
- Бұл әлем Адамға сараң!
- Өзінді апарып таста,  
Өзімді шығарып салам!



## 5.

- Есікті кім теуіп кеткен?
- Қайыршылар жүр еді мана...
- Бәрі де бір той ғой көппен...
- ...Бейімсіз тұрмысқа жаңа.
- Телефон шалды ма біреу?
- Банктен ... Шақырды сотқа...
- Әй, бар іс – сорыңды күреу.
- Бәрі бар – тек біздер жоқта.
- Көршілер той қамына әуре.
- Несие аламыз деген...
- Ол да бір дәурен.
- ...Керең.
- Аяқтан сыз өтті мұлде.
- Болмайтын іс дедім ол да...
- Кептіре салсаң ғой тұнде.
- ...жылиды зорға.
- Сағындым бозбала күнді!..
- Қартайып тұрсың ба, түге.
- Жүрегім қартайған сынды...
- Саулығың тіле!
- Әжімді арманның жүзі...
- Бар ауа – бір сенің демің.
- Әй, қайын атамның қызы!
- Ең ұлы ақынны менің!
- Жұмақ қой жанындағы әр күн!
- Әр сөзің – әулиедей емші.
- Болашақ не деген жарқын!!!
- Нан алып келші!..



## 6.

- Біреуің шам жақсаншы енді...
- Артынан көшейік күннің.
- Қанатты бір хабар келді!
- Кезегі кімнің?
- Ойлар – бір адасқан ұлдар.
- Соқпағын іздей ме жоқтың?
- Неге үнсіз қатыгез жылдар?
- Неге оның есігін қақтың?!
- Тұншығып шығады жалын...
- О, өртеп отырсың нені?
- Жанымның жапырақтарын...
- Аяшы мені!
- Сен енді тоңбайсың, күнім!
- Жылайын сол күлді өбе.
- Бұл жүрек – бір жетім құлын...
- Кісіней береді неге?
- Қараши өртенген сөзді...
- Суына қоймапты әлі.
- Ұмытпа осы бір кезді...
- Жалғыздың алғашқы қары!
- Көз жасың не деген көркем!
- Жылау да бір бақыт екен!
- Сені алып кетеді өртөң...
- Қайтара көрмеші, көкем!



## 7.

- Жаңа жыл келеді дейді...
- Аяз шал тірі ме еді әлі?
- Е, келсін, мейлі...
- Келмесе әні!..
- Бұл да бір балалық құштар.
- Аяулы сәттердің бірі.
- Аппақ қар – ақ қанат құстар!
- Тек ұшып жүргенде тірі!
- Анау дос біледі мұны...
- ...Тек ішіп жүргенде тірі!
- Қазір гүл – бір қыздың құны.
- Қымбат қой қыздардың мұны.
- Түү, мына көлікті қара...
- Ішінде біз жоқпыз оның.
- Бізге тек – сұқтану ғана.
- Сұқтану – тегін!
- Тұнімен шулады жастар.
- Тыптырып шыққаным деші...
- Е, қайда кешегі достар?!
- Өзгенің досы!
- Бір-бірінен аумайтын күндер.
- Ол да бір өтпелі кезең.
- Бақыт бар қонғалы жүрген.
- Мен де бір жақсылық сезем!
- Ақынды түбі актар жыры!
- Орғандай қылма тек пішен!..
- Не істейсің жаңа жыл күні?
- Экесін танытып ішем!



## 8.

- Сен шырақ жақпадың неге?
- Оятып алармыз тұнді...
- Бір әуен қалқып жүр көне...
- Киелі мұнды!
- Қайтеміз сөздерді өлген?
- Жүрекке көмейік оны.
- Жан – сұлық ғайыптан келген...
- Қасиет мені!
- Кәрі ұят хал үсті жатыр...
- Даусынды шығара көрме!
- Ауа да сатылды ақыр.
- Сатылып кетіпті жер де!
- Джоконда мазақ қылады...
- Тында...
- Жоғалды адамның жады!
- Ешкім жоқ мұнда!
- Тезірек таң атса екен.
- Біз күнді көрмейміз енді...
- Біреу бар есімі – Бөтен.
- Бір сұлу бар дейді Менди...
- Бет-аузы қисайды Ойдың!
- Медуза сүйкімді неткен!
- Суретін сақтап қал Айдың...
- Жоғалып кеткен!
- Жерде тек жалғыз гүл қалды!
- Сол үшін соғыс болады!
- Көрдің бе кешегі Шалды?



- Басында бәрінің жады!
- Мәңгілік тірі жүр екен...
- Алғашқы Адам дейді Оны!
- Осы күй – ендігі мекен...
- ...Өлімнің соңы!

## 9.

- Кезеңнің тәкаппар бір ұлы,  
Құшактап құлаты шөлмекті –  
Шаршатып көздердің сыйбыры!

- Е, менің нем кетті?!

- Тасжүрек ғасырдың құрбаны –  
Сұлуға ешкім де сенбепті –  
Лақтырып кетіпті жылдары!

- Е, менің нем кетті?!

- Дәуірдің ең ұлы шайыры  
Хрестоматияға енбепті  
Жоқшысы жоқ екен айыбы!

- Е, менің нем кетті?!

- Ауылдан бір жігіт келіпті,  
Ала алмай қаналған еңбекті -  
Қалада қаңғырып өліпті!



- Е, менің нем кетті?!

- Кешегі соғыстан бір жесір,  
Айта алмай тағдырын кермекті,  
Жарының құшыпты мүрдесін!

- Е, менің нем кетті?!

- Үмітсіз тудың ба, досым-ай,  
Көш журді, ілгері ел кетті,  
Қалдың ба осылай?!

- Е, сенің нең кетті?!



# Сәуірдің таңы





## *Саған, саған*

Саған, саған таңнан бұрын жетемін,  
Тауда болсын, қырда болсын мекенің.  
Терезенді айқара ашып,  
Жастыққа  
Бір тал дала гүлін қойып кетемін.

Саған, саған тұннен бұрын барамын,  
Сансыз шамы сөнгенінше қаланың.  
Қымтай жауып ақ көрпенді,  
Жастыққа  
Бір тал гүлін қойып кетем даланың.

Саған, саған бұрын жетем өзімнен,  
Бұрын жетем сағыныштан, төзімнен.  
Есімімді ести алмай аузыңнан,  
Келбетімді көрмесем де көзіңнен.

Саған, саған бұрын жетем мұндардан,  
Бұрын жетем бұл қатыгез жылдардан.  
Сәтсіздіктен, тағдырыңнан, сынғаннан,  
Жалғызырап, жыламсырап тұрганнан.

Бұрын жетем үміттен де, арманнан,  
Керексіз бол, лақтырылып қалғаннан.  
Қартаюдан, жас өмірің солғаннан,  
Сені ұға алмас жай кездейсоқ жандардан.

Бұрын жетем көз жасыңнан төгілген,  
Сәттеріңнен шегінген де жеңілген.  
Күннен, тұннен, мұннан, жастан қорғаушы  
Періштеңе айналамын сениң мен.



Қатал уақыт қайрандатсын, тежесін,  
Қатал адам қара қолын кезесін.  
Тым алыста жүргенімді білгенмен,  
Тым жақында тұрғанымды сезесің.

Көрген тұсте кездессек біз, өң деп біл,  
Тар кезенде жолықсақ біз, кең деп біл.  
Қара аспанда бір ақ сәүле жалт етсе,  
Саған, саған бұрын жеткен мен деп біл.

### *Өмір вальсі*

Қап-қара тұн – қара шайдай,  
Жарты лимон – қызыл Ай...  
Қара тұнмен жараса алмай,  
Маңдайымның қызуы-ай.

Әлдеқайда жүлдyz күлген,  
Нені білсін ол дағы.  
Білсе мені, бір қыз білген,  
Оның өзі алдады.

Әлдеқайда үркеді Бақ,  
Маңдайымнан сүймейді.  
...Жібек шәлі бүркеніп ап,  
Раушан гүлдер билейді.

Билейді олар... Биге мені  
Шақырады ымменен.  
Мен билеуді үйренемін,  
Билеме үшін гүлменен.



Раушан гүлге айналамыз,  
Сосын Өмір екеуміз,  
Шыр көбелек айналамыз,  
әлдеқайда кетеміз.

Қап-қара тұн – қара орамал,  
Ай – азалы ақ ару.  
...hәм азапты оралулар,  
...hәм ләzzатты жоғалу.

\* \* \*

Аққан жүлдyz, өткен қызды бақылап,  
Күттім оны, күттім оны не керек?!  
Сағатыңыз қанша болды, жапырақ,  
Сағатыңыз неше болды, көбелек?

Ол кешікті, жол кешіпті ол қалай,  
Адасты ма, кір шалды ма қанатын?  
Уақытты айтшы маған, толған Ай,  
Уақытты айтшы маған, қара тұн!

Құлады ма, жылады ма, білмедім,  
Сыңары ма, тұмары ма ол басқаның?  
Сағат тілі қанша болды, гүлдерім,  
Сағат тілі қанша болды, тастарым?

Жаңа жырым бар еді оған оқымақ,  
Жаңа сыйым бар еді оған керемет.  
Сағатыңыз қанша болды, жапырақ,  
Сағатыңыз неше болды, көбелек?



## *Naz*

Менсіз де келеді бұл көктем,  
Менсіз де сүйеді ол сені.  
Жандағы үрейлі дірдек пен,  
Күмәнді көңілдің кемсөні

жүректі о, талай жылатқан,  
Сенсіз де жұбата алармын.  
Барында өзімді ұнатқам,  
Содан соң... көрместей болармын.

Ақ жауын жауар сен жыламай,  
Көрерсің, мен құлмей күн шығар.  
Өтер күн ешкімнен сұрамай,  
Тәуелсіз тағы да жыр шығар.

Артыңнан бармауга сертім бар,  
Онсыз да адасқан сәтім көп.  
Кетуге дәл қазір еркің бар,  
Ал қайтып келуге хақың жоқ.

Жыласып алайық күз келмей,  
Ұмытылар бәрі де күзден соң.  
Бәрі де бар еді біз келмей,  
Бәрі де болады бізден соң.

Жоқ, енді жылама, құлатпа –  
Киелі тамшысын Тәңірдің!  
...Қоштаса алмаспыш бірақ та,  
Дәстүрі бойынша жанрдың.



## *Сұлудың мұңы*

Ұсқынсыз, неге, сұлудың мұңы,  
Бола ма әлде бағы кем?!  
Шын махаббатты білудің құны  
Өлшене ме екен тәнімен?!

Сұлулар неге жылайды осы,  
Жылатып жүрген кім деймін?!  
Жалған сезімнің лайлы көші,  
Тұншықтыра ма... Білмеймін...

Сұлуға міnez жараса қалар,  
Тәкаппар болшы, жарығым!  
Сенің жаныңда араша болар –  
Біздің жүректің халі – Мұң!..

Мандайы қыздың тар шенбер, неге,  
Мандай біткеннің қоры ма?!  
Сұлулар тұнде кемсендер, неге,  
Ақын жанының сорына?

Жанарын ешкім ластамасыншы,  
Қашанғы жылауық болайық!  
... Тесік моншақты тастамасыншы,  
Алқа қып тағып алайық!

Бас бермегенмен асау да қанша,  
Әлсіздігі де сезілер...  
... Жігіттің көзі жасаурағанша,  
Жүрегі қыздың – езілер!!!



## *Сұлудың көз жасы*

Мұңайды сұлу, жылайды сұлу,  
Көзінің жасын бұлайды сұлу,  
Жанып та барып жастығын құшып,  
Талықсып соған құлайды сұлу.

ҮІстық та жасы ерінін өпті,  
ҮІстық та мұңы көңілін өпті.  
Үздігуші еді, үміті сөнді,  
Сүйінуші еді, сенімі кетті.

Кірпігі жастан зілмендей болды,  
Ашының дәмін білгендей болды.  
Көзінің астын көлеңке шалды,  
Ерінін тістеп, тілгендей болды.

Жастығын жаспен сулайды сұлу,  
Жүргегін оймен улайды сұлу.  
Не керек, бір тұн есейтті оны,  
Көбелек те енді кумайды сұлу.

Талықсып жатып, талып та кетті,  
Асығып жүріп қалып та кетті.  
Көктемде туған жауқазын еді,  
Жаз шыға бере жанып та кетті.

Жылама, сұлу, мұңайма, сұлу,  
Жасу да салма шырайға сұлу.  
Жасына қыздың тұншығар әлем,  
Мұңыңа жүрек шыдай ма, сұлу?!



## *Бесінші маусым*

Откен көктем, құстардың қиялынан,  
Откен жаз да, гүлдердің түстерінен,  
Откен күз де, жапырақ жүргегінен,  
Откен қыс та, ақ қардың арманынан,  
Откен бәрі,  
Сені еске жиі алудан,  
Жиі-жіі сен жайлы түс көруден,  
Жиі-жіі сені ойлап түнеруден,  
Жиі-жіі сен жайлы толғанудан,  
Откем мен де...

Откен құстар, көктемнің аңсарынан,  
Откен гүлдер, жаздың да самалынан,  
Откен жапырақ, құздің де көңілінен,  
Откен ақ қар, қыстың да бауырынан,  
Откен бәрі,  
Кешкілік ән салудан,  
Басқан ізге әр күні оралудан,  
Өзге жүртқа есуас көрінуден,  
Сағынудан, күтуден, жауығудан,  
Откем мен де...

Міне, солай бесінші маусым келген.

Жүрмегей деп өкпелеп бекер бізге,  
Бір гүл тастап кеткем мен кетерде ізге,  
Бір жыр жазып кеткем мен өтер күзге.  
Жолдарды шөп басқанша,  
Шөптерге шық тұнғанша,  
Шықтарға күз қонғанша,  
Ақ қарда із қалғанша...  
Жолығу керек пе осы екеумізге?..



Жек көрдік. Сүйдік. Жалықтық тағы.  
Сезімді сонша тез кештік.  
Жолықпау үшін жолықтық дағы,  
Кездеспеу үшін кездестік.

Ақ бұлтым едің өтпелі менің,  
Болмадым, бәлкім, биік шың.  
Жек көрмеу үшін жек көріп едім,  
Сен сүймеу үшін сүйіпсің!

Керексіз құлдай ешкімге бүгін,  
Дерексіз жырлар жазамын.  
Өстім бе, әлде өштім бе, күнім,  
Ол – менің ғана азабым.

Жолықшы. Енді жолықпаймын ғой.  
Тыңдарсың сосын жат әнін.  
Жалғыз қалудан қорықпаймын ғой,  
Жалғыз қалғаның... батады.



«Мен жалғыз емеспін!» деді,  
Жылады, жылады сосын.  
Мен сезе алмадым нені?  
Сен айтшы, досым.

О, сол бір жалғыздық жолы,  
Қай тұста біtedі екен?  
...Кейіпкерсіз романның сонын,  
Жаза алмай келемін, көкем.



«Мен жалғыз емеспін!» деді,  
Жылады, жылады қатты.  
Ыстық жас, ып-ыстық демі,  
Кеудеме аяздай батты.

Қайғым да, мұңым да өзге,  
Кетейін. Өтейін сертін:  
Жалғыздық – сонау бір кездे,  
Мен оған жүқтырған дертім...

«Мен жалғыз емеспін!» деді,  
Жылады. Айықты дерттен.  
...Тұн кетіп барады мені,  
Соңынан ерткен.

### *Қызжыミған*

Айна тауып алдым мен, кәдімгі айна,  
Бұл айнаға бар әлем шағылғай ма,  
Бұл айнадан басқа әлем көрінгей ме,  
Бұл айнадан басқа жан табылғай ма.

Айнаға кім қараған-қарамаған,  
Мерейлі адам, ол әлде жарапы адам?  
...Бір сэтте сол айнадан қыз жымиды,  
Жап-жарық бол көрінді жанары одан.

Қыз қарады айнадан, қыз қарады,  
Мұздатты ойды бойымның мұздағаны.  
Қараған кім айнаға ең соңғы рет,  
Қамаған кім о, мұнда қыз баланы?!



Қыз қараған айнадан, ай қарады,  
Ойланады, сезім боп байланады.  
Джоконданың жұмбағы секілді еді,  
Шаттыққа да қайғыға айналады.

Шашылып қыз жинаған жүк қалды ма,  
Құртты ма ол өзі-өзін, құтқарды ма?  
Қарады ма көркіне көнілі толмай,  
Көзі тоймай, о, бәлкім сұқтанды ма?

Қарады ма сол бір қыз шаттанғанда,  
Жанарынан жалт етіп от жанғанда.  
Қалдырды ма қапыда айнаны ұмыт,  
Кездесуге асығыс аттанғанда?

Қарады ма сол бір қыз жылап тұрып,  
Тағдырынан жұбаныш сұрап тұрып,  
Бір бақытын таба алмай өтті ме еken,  
Кетті ме еken сол сәтте лақтырып?

Қайта тауып алды ма, таппады ма,  
Назаланып нариза шақтарына,  
Көз алмай қарай-қарай қайран ару,  
Өз жанын осы айнаға сақтады ма?

Күндерінен бір қайыр күтті ме өткен,  
Күмәнді күз өткенде, күпті көктем.  
Ібіліске жүргегін сатып қай жан,  
Жас сұлуды айнаға тұтқын еткен?!

Ханның қызы болды ма, қайыршының,  
Аша алмаған сұлу ма шайыр сырын?  
Қайтарды ма меселін бақсы ұлының,  
Арбауына тұсті ме ойыншының?



Сүйген серттен тайған ба, дос алдаған,  
Күнді күнге жан ба екен қоса алмаған.  
Қызжымиган бұл айна мылқау, соқыр,  
Қыз жанының жұмбағын аша алмаған.

Біле алмадым қай жан ең, қай ғасыр ең,  
Түсте сүрем мен соны, ойда сүрем.  
Мұнды, назды, шаттықты, бәрін жұтқан,  
Қызжымиган дүние-ай айна ішінен.

\* \* \*

Мадағыңа да құштар емес ұлылық,  
Мақтауыңа да іңкәр емес сұлулық,  
Бұл сендері тәқаппарлық мағынасы,  
Бұл мендері менмендікке тығырық.

Болмысымның бет-әлпеті құбылып,  
Мойындаудың ауырлығын ұғынып,  
Ой мен сезім неке сұын жұтындым,  
Махаббаттың жайнамазына жығылып.

Сені бір сәт көрмегеннен сұнып,  
Сен туралы ойланудан жылынып ,  
Жанарыңың шағылысынан мерт болдым,  
Кірпігіңің қағысынан туылып.

Қарғам-ау, сен жүрген жердің ауасы,  
Жеті жылау, бес боздаудың дауасы.  
Мен әзірге аңдып жүрмін сыртыңнан,  
О, ол да бір мәртебелі лаузым!



Қызыл ернің қақпан болды, құрбым-ая,  
Қара шашың болған кезде қыл бұрау.  
Мемлекетімнің тарихында бұл кезең:  
Ерланияда психологиялық құлдырау,  
Ерланияда экономикалық құлдырау!

Ерланияда солқылдақтық саяси,  
Мені аяса, Тәңір ғана аясын.  
Саған мұнша тарлық етер демеп ем,  
Менің бүкіл танымымның аясы,  
Сен туралы сөйлемемеймін мен енді!

### *Fайыл*

Біз – мәңгілік кездесе алмаудан  
ағарған көңілдің самайы,  
Ешқашан ашылмаған табысу  
хатындағы мыңжылдық мөрі.

Сағынышы басылмаған жүрек –  
жабайы,  
кісікік,  
жараланғыш,  
о, бәлкім,  
өлі.

Мен – қарашада тау кезіп кеткен  
жігіттің салған тұнгі әні,  
Тұн құшағындағы ауылдарды жылатқан тағы.  
О, бізге нені бұлладады,  
Әлі суына қоймаған сезімдердің шоғы?!  
Сен – кестелі орамалға сіңіп қалған  
сап-сары көз жасы,  
Он тоғызыншы ғасырдың аспанына  
қадайсың көзінді.  
Әлде, Уәлихановтің, әлде, Затаевичтің  
тым ескі жазбасы,  
Үнсіз есіме салады өзінді...



\* \* \*

Мен кеше,  
Нөсердің астында қалудың ең үздік үлгісін  
көрсеттім көктемге!

Мен кеше,  
Жымия қарадым өткенге, кеткенге.

Мен кеше,  
Нөсердің астында қалудың ең үздік үлгісін  
көрсеттім жарыма!

Мен кеше,  
Сүйем деп айттым ғой тағы да.

Мен кеше,  
Нөсердің астында қалудың ең үздік үлгісін  
көрсеттім бәріне,

Мен кеше,  
Бір жасар ұлымды жұмсадым дәріге.

\* \* \*

Гүл менен көбелек –  
Сергек өлеңге классикалық,  
символикалық әсем нұсқа.

Әрі керемет,  
Әрі қысқа.  
Мыңжылдық мағына,  
Бір сәттік өлең.  
Оларға тағы да,  
Тағы да келем.



Айтар сэт баянды,  
Дәл бүгін емес.  
...Санамда оянды,  
Әлдебір елес:

...Ешкімді күтпеген,  
Ештеңе сұрамаған,  
Өзгеден,  
Әсіресе олардан (Гүл менен Көбелектен)  
Басталып кетіп белгісіздеу бір нұктеден,  
Беймәлім нұктеде кенеттен жоғалған,  
Жалығыс пен көнбістік жіптеріне ілінген,  
Ески,  
Тым ески  
Әдемі таңданыс пен әнтек жымыстың  
көнерген  
Суреттері бар еді, әлдебір тұсы бүлінген,  
Бүлінген тұсын қартайған шебермен  
Бірге желімдеп, жаңартқан кездे  
Суретке тырс өтіп көз жасым тамды...  
Ең ауыр сөз де  
Дәл бұлай ауыртпас жанды!..  
Ол көктемнің суреті еді кешіккен,  
Ол сүйіктімнің суреті еді гүл терген!  
...Азан дауысы естілді мешіттен,  
Қоңырау дауысы естілді шіркеуден.  
Ал мен... үнсіз қалдым!..

### *Сәуірдегі силуэт*

...Жылауға, жылауға аспан шах,  
Шақ қалған. Сәскениң тұсы еді.  
Сәуірдің сәулесі жасқаншақ,  
Корғаншақ көлеңке түседі.



Сәскенің тұсы еді. Сәкіде  
Отырды сұлулар сырласып.  
Уақыт сұрауға бекіне,  
Келдім мен бір тоқтап, бір басып.

Жүрек не сұрамақ? Тіл нені?  
Лирика, қайтеді шегінсек?  
Сезімтал сәуірдің гүлдері,  
Сәуірдің бұлттары көңілшек.

Жат еді желпілдеу, елбектеу,  
Бір мінез байлады, байлады.  
Сәуірде сезім бар сергектеу,  
Сәуірдің жалқаулау ойлары.

Куат жоқ аяқты басатын,  
Бар қуат ішімде алысқан.  
Сәуірдің ақ таңы – жас ақын,  
Сәуірде қоңыр кеш – данышпан.

Елемей өткенді, өзгені,  
Тербелген көз алды неше гүл.  
Сылқылдан күлісіп өздері,  
Сыбырлап мәз болды жас өмір.

Жымын қоямын мен содан,  
Мен соған өзімше алданып.  
Бір қылыш білместей ерсі одан,  
Жапырақ қарайды таңданып.

Кешірші, жапырақ, бармаймын,  
Сұлудан уақыт сұрама!  
Кешірші, жақындей алмаймын,  
Алыстай да алмаймын сірә да.



Осылай тұрайын, қарайын,  
Сұлуға, сәкіге, сәуірге.  
Жанымда көшіріп алайын,  
Көшіріп берейін дәуірге.

Сәуірде мен білер сыр көптеу,  
Бұл дағы бір сырдың өлеңі.  
Сәуірде сұлулар үркектеу,  
Ақындар мазасыз келеді.

Білсе егер уақыт мөлшерін,  
Сұлулар асығыс кетеді.  
Білмейін уақыт өлшемін,  
Ол мені білгені жетеді.

### *Mуза*

Әлде көктем, әлде күз, әлде, әлде... білмедім,  
Әлдекайда мен жалғыз, әлде адасып жүргенім.  
Әлде алжасып жүргенім, әлденеге маспын ба,  
Әлдекімге жете алмай, әлдекімнен қаштым ба?  
Мен білмеймін, білмеймін,

білгім де оны келмейді,

Көз алдымда әлдене көлеңкесі көлбейді,  
Көлеңкесі болған соң, күні барын сеземін,  
Қырауланған үмітім жылынарын сеземін.  
Әлденеге ауады арманымның аңсары,  
Әлдекімді күтуден, бәлкім, ол да шаршады.  
Әлде мені ұмытты, әлде мені алдады,  
Әл береді үмітім, әуреледі қалғаны.  
Әлдекалай сезімім жүрегімді тербеді,  
Әлде, әлде бәрі де еріккеннің ермегі?



Әлдебіреу шақырса еріп кетсем не етеді,  
Әлдененің елесін көміп кетсем не етеді?  
Әлдекімге күбірлеп «қош» дей бергім келгені,  
Әлденеге көңілден көш дей бергім келгені.  
Әлдеқашан адасқан күшіктері сананың,  
Әлденен-ақ қыңылаپ жүрек көзін жалады.  
Әлдеқандай күн туса бәрі дағы өледі...  
...Сол сұлудың мен үшін сыйдан артық сәлемі!

### *Біздің өлке*

Неліктен бізге көктеме ерте келеді?  
Өйткені біздің сұлулар ерке келеді.  
Неліктен біздің сұлулар ерке келеді?  
Өйткені бізге көктеме ерте келеді.

Неліктен біздің еркелер сұлу келеді?  
Өйткені оған көктеме жылу береді.  
Неліктен оған көктеме жылу береді?  
Өйткені біздің еркелер сұлу келеді.

Неліктен ғашық көктеме біздің еркеге?  
Өйткені ғашық көктемге біздің ерке де.  
Алғашқы раушан бүр жарып біздің өлкеде,  
Ең соңғы лала солады біздің өлкеде.

\* \* \*

Көздерің неткен сұық, неткен улы,  
Сұлулық солай ма едің?  
Жүргім осыншама жек көруді,  
Көтерер қалай менің?!



Жылауға жас та жоқ-ау, жас шыласа,  
Сеземін жылынарын.  
Мен емес, шыдар, бәлкім, тас шыдаса,  
Ызалы мұңыңа бұл.

Сан арман жерленді ме қарашыққа,  
Үмітті таптатқанда,  
Әлде сен ашыңдың ба адасып қап,  
Жоғалған соқпақтарда?

Көп қарап түрдүң ба әлде терезеден,  
Күздегі терезеден...  
...Мен өлең жаза алмадым ережемен,  
Сен, бәлкім, сүйе алмадың ережемен.

\* \* \*

Мені тұнге кетіңдерші қалдырып,  
Құшағына енейін.  
Ай сұлудың аққу мойнын талдырып,  
Таңға шейін өбейін.

Жұлдыздарды балдыздардай көрейін,  
Бал қылышын татайын.  
Қалыңдықтың жұпар іісті мерейін,  
Бұрқыратып жатайын.

Мамырлайын мамығына бұлттардын,  
Тамашалап билерін.  
Айдың мөлдір ризалығын ұрттармын,  
Гүлге айналып сүйгенім.

Жел-женгемнің желігі бар затынан,  
Сөз болармыз біз анық...



Ести сала қызғаныштың отынан,  
Күн шығады қызырып.

Қоштаса алмай тұрар сонда мөлтеңдеп,  
Жұлдыз бикеш сыйылып...  
Құтпан ауа күтем сені, еркем, деп,  
Ай қалады үзіліп.

### *Mахаббатқа ода*

О, махаббат қасиетті, о, махаббат киелі,  
Мендік сезім – ақ қанатты періштелер биі еді.  
Мұхаммедке берілген ол пайғамбарлық еді ғой,  
Ғайса үшін алып келген әулиелердің сыйы еді.

О, махаббат ғажайып-ау, о, махаббат керемет,  
Қарғалардың махаббатсыз ғасырынан не керек.  
Гүл ернінен сүйген сәті мәңгіліктен биіктеу,  
Бақытты ғой бір-ақ күндік ғұмыры бар  
көбелек.

О, махаббат қасіретті, о, махаббат дұғалы,  
Сағынышпен дуаланған сарғалдақ күн шуағы.  
Аяулы айдың көз жасысың аппақ гүлге  
айналған,  
Мәңгілік те тарқата алмас қара түннің  
құмары.

О, махаббат қатығезім, о, махаббат қатал-ақ,  
Күзгі бұлттың бауырынан көңілім жасы  
боталап,  
Мауыздай бұл дүниеде қауыздай бір  
орны жоқ,  
Енді менің сезімімді кім қалайша атамақ?!



О, махаббат мейірімді, мейірімің, кәні, енді,  
Оны сүйіп – махаббатпен жаратпақ ем әлемді.  
Енді ол сұлу қалай ғана жетімегін жұбатар –  
Жүргінің құрсағында қалып кеткен өлеңді?!

\* \* \*

Өмір – Өмір! Басқа атауы бар ма оның?!  
Таңда өзің ауыры мен женілін.  
Өмір – сенің үмітің мен арманың,  
Куанышың, қайғы-мұңың, сенімің.  
Маңызды емес қашан, қайдан басталды,  
Сонын іздел, не етесін, дос, не үшін деп!..  
...Сағындырып тұру керек достарды,  
Сағынышын басу үшін «досым!» деп.  
Қойшы, қалқам, пәлсапаны, түйгенді,  
Бір анық қой түбіне оның жетпесің.  
...Әкпелетіп қою керек сүйгенді,  
«Жарығым!» деп жазу үшін өкпесін.  
Осы ғана! Женісің ғой – әр күнің,  
Болады оның жемісін де жиуға.  
...Ауырлатпау өзгелердің тағдырын,  
Айтшы, күнім, бізге сонша қыын ба?

\* \* \*

Жүргім – жердің серігі,  
Айнала ұшар ол сені.  
Ауыр ма ақын өмірі,  
Дәуір ме оның өлшемі?

Білдік біз ненің өлшемін,  
Сездік пе мәнін тағдырдың?  
...Түсіңде кірсем мен сенің,  
Шырақ жақ түнде, жан құрбым!



Сен кешір, мұнлы бір мен бе,  
Өнінде халді сұрап кім?  
Адасып жүріп тұндерде,  
Түсіңе кірген шығармын...

Жүзімді елден жасырдым,  
Жалғыздығымның атынан!..  
Мен ақын – мұнлы ғасырдың  
Түсінде өлең оқыған!

### ***Жол қарая***

Сен қазір келесің ғой, өмір гүлім,  
Құдайға сенгенімдей сенімдімін.  
Асығып жеттім дейсің алыстардан,  
Тұылған күнің үшін сенің бүтін!

Сен қазір жетесің ғой, құралайым,  
Құттықтап келіп бітті бұл ағайын.  
Тек өзің із салмаған жүріс жолдың,  
Түбіне бұк түсіпті жылап айым.

Әдемі көйлек кидім, сен келер деп,  
Әдемі сөйлеп тұрмын, жөн көрер деп,  
Көшеге дембіл-дембіл көз саламын,  
Адасып бейуақта сенделер деп.

Жайлауда жұрттың дені, күздеуде Мен,  
Кімді енді жылытпақын сыз кеудемен?  
Ешкім де күтпеген бұл топ ішінен,  
Отырмын бір жалқыны іздеуменен.



Көңілді көп үмітпен бүтіндең ем,  
Дәл бүгін қашты менің құтыйм неден,  
Мен неге әрбір туған күнім сайын  
Тұрамын сол бөтөнді күтуменен?!

### *Дертлім*

Есі-дертім,  
Кешір, дертім,  
Есім кетті,  
Көшім кетті,  
Кеттім!..

Не үшін келдім?  
Не үшін кеттім?!

Сезімнен қорғағым келді,  
Сол үшін кеттім мен.  
Әзімнен қорғағым келді,  
Сол үшін кеттім мен.  
Ойымнан қорғағым келді,  
Ойран бұл шағымда.  
Уайымнан қорғағым келді,  
Сағынба, сағынба!  
Ашудан қорғағым келді,  
Ашынып өлмейін.  
Жасымнан қорғағым келді,  
Жасыңды көрмейін.  
Мұңымнан қорғағым келді,  
Өтінем, ақтама.  
Жырымнан қорғағым келді,  
Жырымды жаттама!



Болдым да, болмадым, міне,  
Жоғалдым әр күннен.  
Өзінді қорғадым, міне...  
...Қорғансыз қалдым мен!

### *A, Ұмай*

Дәл тәбемнен жұлдыздар зуылдайды,  
а, Ұмай,

Ал менікі жоғары,  
Сен де айтшы биік деп.  
Ертең бәрі қалады,  
Мандайымнан сүйіп кет.  
Көз жасымдай бұл жұлдыз,  
Қайта айналып тұнбады.  
Жаным сүйген сүмбіл қыз,  
Бір қайырын қылмады.

Өкініштің қанаты суылдайды, а, Ұмай,  
Өкіндірді бұл сұлу,  
Қасіретті тұтқызды.  
Өз ішімде тұншығу,  
Сөз ішіне жұтқызды.  
Дүгай сәлем өмірге,  
Дүгай сәлем өмірден.  
Махаббатым Тәңірге,  
Махаббатым Тәңірден.

Еркіндікте махаббат туылмайды, а, Ұмай,  
Оны сүйген сәтімді,  
Мекен етем мәңгі ертең.  
Оны ойласам ақынмын,  
Ақымақпын һем көркем.



Оған не деп жазайын,  
Жат тағдырмен таласып,  
Көк түбінде көзайым,  
Су түбінде қарашық.  
Еркіндікте махабbat туылмайды, а, Ұмай,  
Өкініштің қанаты сұылдайды, а, Ұмай,  
Дәл төбемнен жұлдыздар зұылдайды,  
а, Ұмай,  
А, Ұмай,  
Ұмай!

### *Құсқанат*

Қараша,  
Құс қайтқанда – күзгі қайғы,  
Күзгі қайғы жанымды сызғылайды,  
Сызғылайды жанымды күзгі қайғы,  
Бөлмеде теріс қарап қыз жылайды.

Бөлмеде теріс қарап қыз жылаған,  
Сол түні гүл таба алмай қызға ұнаған,  
Сол түні жыр жаза алмай қызға ұнаған,  
Бармақпен шылым шоғын мыжғылағам.

Бармақпен мыжғылағам шылым шоғын,  
Іздесем, табар едім гүлін соның,  
Іздесем, табар едім жырын соның,  
Ал өзін табар ма едім бірінші оның?!

Сол түні сол ойменен биік қалғам,  
Сол қызды қайтейін мен сүйіп қалған,  
Қайтейін сол қызды мен сүйіп қалған,  
Жүрегі бармақтай боп күйіп қалған.



Қалдым мен сүйе алмауды женіс санап,  
Сен жыламау үшін бе-ей, е, құсқанат?!  
Бейуақ,  
кәрі ұятым секілденіп  
Бөлмеде қыз жылайды теріс қарап.

### *Бозбалалық романс*

Бозбала күні сүйгені,  
Жадынан ердің кетсін бе,  
Сәлеметсіз бе, миледи,  
Қалқатай, сәлеметсің бе?

Нәби де нәркес, жан нұрлы,  
О, қайдан теңеу таппақпыз?!  
Қызыл гүл – қыз тағдырлы,  
Гүл тағдырлы аппақ қыз!

Сарғалдақ гүлді сүйгенсің,  
Көктемі ме еді ол ойыңның,  
Алқызыл көйлек кигенсің,  
Жеткені ме еді ол бойыңның.

Сыйладым ақ гүл – достық па,  
Алқызыл көйлек – қызғаныш?  
Тағдырды ойша қостық па,  
Аштық па жаңа біз ғарыш?

Жо-жо-жоқ, аңғал ой аз ба,  
Сезімге сұлу арбалып,  
Сүйіскен жоқпыз аязда,  
Нөсерде жазғы қалмадық.



Есейе бердік ашылмай,  
Есейген сайын жабыла.  
Сары, қызыл қосындысындай,  
Бір бояу сінді жаныңа.

Сол бір тұс маған тым бөтен,  
Бейтаныс етті сені де,  
Сол бір тұс маған тым бөтен,  
Бейтаныс етті мені де.

Уақыт бәрін биледі,  
Бәріне уақыт жетсін бе?  
Сәлеметсіз бе, миледи,  
Қалқатай, сәлеметсің бе?!

## *Акация*

Акация, акация – сары гүл,  
Маған да енді, саған да енді бәрібір!  
Гүлдің тілін жек көреді ол енді,  
Жек көреді мен оқыған өлеңді,  
Жек көреді қала тұнін құмарлы,  
Неон шамын, қолшатырды, тұманды...  
Қара сиқыр, о, дұғалы, қара жыр,  
Ол дұғасын неге оқыды жаралы ұл?  
Жоқ, жазғырма, жоқ ақынның күнәсі,  
Бәрі-бәрі акация кінәсі!  
Гүл сыйлауды ойлап едім қайдан бұл?!  
Акация, сұлу тілің байланғыр!  
Акация, үнсіз қалсаң не етеді?!  
Ақын, қызға гүлсіз барсаң не етеді?!



## *Сонет*

Жанарыңнан жалғандықты көрсем де,  
Менің саған сенгім келе береді,  
Менің соған көнгім келе береді,  
Сен сыйысың – сырғақтаумен келсең де,  
Мендік осы ақымақтау өлшемге.  
Сезім өлсе тек сенбеуден өледі,  
Сенімімнің ең бір адап өлеңі,  
Саған сенем, сенем саған өлсем де!  
Махаббатты келмеген соң жерлегім,  
Сенің тәтті өтірігің мен үшін,  
Талай шындықсымақтардан жоғары!  
Бәлкім бұл да менің осал еңісім,  
Алдауыңды біле тұра сенгенім –  
Махаббаттың ақиқаты болады!

\* \* \*

Тулайды жүрек, туғанда Айдың жаңасы,  
Аулада біздің гүлдеді алма ағашы.  
Бойжеткен қыздар бүр жарып сезім әлдебір,  
Үңіліп соған, үздігulerін қараши.

Осындай ағаш бар еді Тараз бағында,  
Барушы ем соған сонау бір балғын шағымда.  
Сол сезім бүтін, сол бір мұн... әнтек, әдемі,  
Айырмашылығы – ұлым тұр бүгін жанымда.

Гүлденген шакта Таразы бақта: жоқпыз – бар,  
Күз келген сосын, өткен-ді жылдар, өтті ызғар.  
Сол көктемнен соң жыр жазып кеттік көбіміз,  
Сол көктемнен соң...

үйленіп кеткен көп қыздар.



\* \* \*

Мінездің асылдығы түптен болар,  
Жібектің мықтылығы жіптен болар.  
Астына балконының келуімді,  
қалқатай қара кештен күткен болар.

Көңілдің дергінен сөзден болар,  
Темірдің тортануы жезден болар.  
Астына балконының келерімді,  
қалқатай үйқылы-ояу сезген болар.

Өлеңнің қонғандығы пірден болар,  
Пір түссе, пері жүрек дүрден болар.  
Астына балконының келгенімді,  
Қалқатай қарамай-ақ білген болар.

### *Алақай!*

Періште маған хат алып келді,  
Хат алып келді, алақай!  
Есімім хатта аталып келді,  
Аталып келді, алақай!  
Аспан үстінен бір кісі келеді,  
Бір кісі келеді, алақай!  
Аспан астында тұрғысы келеді,  
Тұрғысы келеді, алақай!

Аспан үстінен бір кісі келеді,  
Бір кісі келеді, алақай!  
Мен жайлыштың білгісі келеді,  
Білгісі келеді, алақай!



Жүректе өмір сүргісі келеді,  
Бір кісі келеді, алақай!  
Махаббат билік құрғысы келеді,  
Бір кісі келеді, алақай!

Солай деңіздер сұрағандарға,  
Сұрамағанға да нұр жаусын!  
Қарсы алысатын бір адам бар ма,  
Бір адам болса, нұр жаусын!

Аспан үстінен бір кісі келеді,  
Келмейді деме, сенбеймін!  
Аспан астының құлкісі келеді,  
Мен енді хабар бермеймін!

### *Қарашаның жетісі*

Туған жерден 26 миль.

Қауыс.

Жұлдыздар ауыс-

қан

тұн.

Таң.

«Күн

шықты, Сир!»

Рахмет!

Ерек!

Кімге,

Рахмет керек?

Күнгे!

Фаренгейт: 19.4.

Жөтел.

Дерт.

Өтер.



«Миледи, кофе қайнатыңызшы».  
Бұл күн келді!  
Келді Бүгін!  
Енді?  
Не етеміз?  
Бүгін –  
туған күнім!  
«Сир, кофеңіз...  
Коңыяк қосылған  
және шылым»...  
Шашымнан  
сипаңызшы... Күнім!  
Ол – менің күнім!  
Бүгін  
еркелетуіңізге болады, миледи!...

### *Kүnіm*

Күнім,  
Маңдайымның иісіне хат жазып берші,  
Жусанды даламдай аңқысын.  
Жүзімнің нұрына хат жазып берші,  
Сенің сәулендей шалқысын.  
Күнім,  
Сөзімнің киесіне хат жазып берші,  
Өмір сүйетінімді ұға алсын.  
Көзімнің жасына хат жазып берші,  
Жыласам – жетімдер жұбансын.  
Күнім,  
Алақан ыстығына хат жазып берші,  
Тас бауырларды жылтысЫн.  
Көңіл суығына хат жазып берші,  
Көрген жәбірін ұмытсын.  
Күнім,



Жан парагына хат жазып берші,  
Оны уақыт оқысын.  
Саусақ таңбасына хат жазып берші,  
Ешкімнің жемесін хақысын.  
Күнім,  
Мені өзіңе шақырып алшы,  
Алып кетсінші құс аппақ.  
Ақ бауырында бұйығып жатайын,  
Сәби дүниені құшақтап.

### *Kездесу*

Не істей алар екенмін сен үшін мен?  
Балдың, удың... құдай-ау, көбі ішілген.  
Қараймын да жүзіңе, ойланамын,  
Әлденені айтамын... тек ішімнен.

Іші-бауырым езіле, емірене,  
Емірене қараймын, тебірене.  
Саған ғана айтатын сырларым бар,  
Саған енді айтпаймын соны неге?

Өңім тағы құбылып өрт кешкендей,  
Көңіл тағы құбылып дерт көшкендей,  
Сақтау үшін бір ұлы құпияны,  
Үндемеуге екеуміз серттескендей,

Үндемейміз. Үнсіздік ұнағандай,  
Үндемейміз, іште бір кінә бардай.  
Мандайыңың қараймын сызығына,  
Хал-жайынды солардан сұрағандай.



Жанымызды, жүректі түмшаласып,  
Қайда жүрдік жолықпай мұнша ғасыр?!

Маған қарап күрсініп қоясың тек,  
Білем, білем, ішінен мұң шағасың,

Мұң шағасың, сеземін, мұңаясың,  
Мұңайғаның әдемі, құдая, шын.  
Мен сені аяп отырмын, сен мені аяп,  
Аярлықсыз осылай кім аясын.

Кісі көңілі көктемге сенеді екен,  
Сол сенімдер бол еді неге бөтен?  
Бізді айырған бір кезгі жегі сөздер,  
Үнсіздіктеге осылай өледі екен.

Үндемеші. Осылай наз айтылар.  
Қайбір сұрақ көңілді қажай тұрап.  
Үндемеймін. Іште сөз жаныш-сөніп,  
Бізге бүтін керегі өзі айтылар.

Откен өмір – ұмтылған тұстей ғана,  
Енді бізге ешкім де түспейді ара.  
...Өтіп кетер ме екенбіз бұл өмірден,  
Күбірлесіп екеуміз іштей ғана.

\* \* \*

Күнменен ілесіп кеттім,  
Айменен ілесіп келдім.  
Өзіммен күресіп кеттім,  
Өзгемен күресіп келдім.  
Сыртынан ашылды есік,  
Ішінен ілдім бе, жоқ па?  
Келдім мен ғасырды кешіп,  
Сен оны білдің бе, жоқ па?!



Арқамды көйлектің қыртысы қажады,  
Жүйкемді қыздардың күлкісі қажады,

Адал қосағым, қинап не етесін,  
Балаңның әкесін?!

Шәй іштім – өлеңші шәйін,  
Ас іштім – көшениң асын.  
Теңіздей терең шым уайым,  
Сыздап жүр кешелі басым.  
Екі күн тойладым есе,  
Екі күн ойладым – мұңым.  
Пышақты қайрадым кеше,  
Топсаны майладым бұгін.

Жастыққа бас қойсам – тас қойған секілді,  
Ойларым – он итті бос қойған секілді,

Адал қосағым, қайтсаң не етеді,  
Төркінге – төрт күн жетеді!

### *Cəm*

Жұлдыздан жарық жеткенше,  
Сағынып үлгердім сені,  
Жанымнан тұрып кеткенше,  
Сағынып үлгердім сені,  
Көбелек қанат қаққанша,  
Сағынып үлгердім сені,  
Қалалар шамын жаққанша,  
Сағынып үлгердім сені,  
Бір тамшы тамам дегенше,  
Сағынып үлгердім сені,  
Бір шырпы жанам дегенше,



Сағынып үлгердім сені,  
Бір ойдан қайтам дегенше,  
Сағынып үлгердім сені,  
Бір сөзді айтам дегенше,  
Сағынып үлгердім сені,  
Құс ұшып қонам дегенше,  
Сағынып үлгердім сені,  
Ку көніл қалам дегенше,  
Сағынып үлгердім сені,  
Зарыңды тартам дегенше,  
Сағынып үлгердім сені,  
Жүгінді артам дегенше,  
Сағынып үлгердім сені,  
Перронға шығам дегенше,  
Сағынып үлгердім сені,  
Бәрін де ұғам дегенше,  
Сағынып үлгердім сені,  
Сағынбан енді дегенше,  
Сағынып үлгердім сені,  
«Махаббат өлді» дегенше,  
Өлтіріп кетші мені!

### *Ерте көктем*

Біздің елге көктем ерте келеді,  
Біздің жұлдыз жұмақпенен көрші еді.  
Содан жаным ауырады,  
Себебі,  
Үр қызына ұқсатушы ем мен сені.  
Біздің елге көктем ерте оралар,  
Көктем сайын күрсінеді бір өлең.  
Көктем сайын бір көктемім жоғалар,  
Сені аңсаған, тілеген.



Біздің елге көктем ерте қайтқаны,  
Пайғамбар деп күтеді ғой ақындар.  
Қайтқан құстар сенен сәлем айтпады,  
Қанатында оқылмаған хатым бар.  
Оқымаға, бәлкім, сениң хақың бар!  
О, ләйлілік асқақ сордың құрбысы,  
Жан ауырту қылмысының білгіші,  
Куанышымның, қуанышымның кенжесі,  
Өкінішімнің тұңғышы!

Аланғасар, арманшылдау ақ таңы,  
Содан бері неше көктем бүр атты.  
Бұл көктемнің күліп келе жатқаны,  
Мені неге жылатты?!

Жүргімнің жалғыз аңсар соқпағы  
Неге, неге, жолаушысын тосады?  
Көбелектің жайлап қанат қаққаны,  
Неге, неге, жүргімді осады?

Һәм жек көрдім, һәм өзінді сағындым,  
Еске алуға, ұмытуға батпадым.  
Қап-қараңғы түкпіріндегі жанымның  
Үсік шалған үміт жапырақтарын,  
Тағы таптап, неге таптап баrasың,  
Сытырында – шыңғырысы үміттің.  
Сен мәңгілік сол көктемде қаласың,  
Ал мен оны келеді ғой ұмытқым,  
Біздің елге көктем келер тағы да!

### *Дерпті түн*

Тұмауратқан көктеменің тұндері,  
Маңдайымды сыйзатасың сен неге?!

Өмірді емес, өмір оны сүргені  
Керемет пе пендеге?!



Сен бұлығып, мен қыстығып обал не,  
Бір жылауға батылымыз жетпеген.  
Жындымыз ба, мұндымыз ба, жоқ әлде,  
Оған кімнің басы ауырсын, көктемем?!

Сенің шерлі көкірегінде тұншығып,  
Түз желіндей менің еркін ғұмырым:  
Тұніменен мұңлы көгім күрсініп,  
Ай ойнаса сезімімен тірінің,

Жанып-сөніп сауабым да, обал да,  
Алмасады бір қуаныш, бір өкпем.  
Бәсекеге қабілетті қоғамда,  
Бәсекеге қабілесіз жүрекпен

жалғыз мен бе, бүйіғып,  
Өз ішіне кіріп кеткен шыдамай.  
Сүйдім оны, көрмесем де сүйіліп,  
Содан болар өкпелеуім тым оңай.

Желқайықтай өр теңізді кештім де,  
Жағалауға жете алмадым туғалы.  
Өтінемін,  
Айта көрме ешкімге,  
Менің жалғыз екендігім туралы.

### *Aқын қызыга*

Таулар ақын болар ма еді тым биік,  
теңіз ақын болар ма еді тұңғиық,  
жолдар ақын болар ма еді тағдырлы,  
мезгіл ақын болар ма еді жаңбырлы,  
құстар ақын болар ма еді ерікті,



гүлдер ақын болар ма еді көрікті,  
алқызыл таң, алқоңыр тұн құмарлы,  
тастар ақын болар ма еді шыдамды,  
аспан ақын болар ма еді сүйеусіз,  
құрбың ақын болар ма еді күйеусіз,  
бәлкім, ақын болар ма еді кең дала,  
неге ақын болдың екен сен ғана?!.

### *Қыжылдақ*

...Құлықсыз, құмарлықсыз кесімсіздің  
кейпіне енді-ау дәурен есіл, біздің.  
Барады батпырауық ойнай-ойнай,  
Атсыз жыл, ныспысыз ай, есімсіз күн!  
Уай, дәурен, сіздің сертке бойлай да алмай,  
бас қойып, бар мен жоқты ойлай да алмай,  
Атсыз ой, сойсыз сезім, есімсіз мұң,  
барады батпырауық ойнай да алмай!  
Сырласу, қасам ішү, тілдесусіз,  
кезенге тап келгенім бір кешусіз...  
Барамын батпырауық секілденіп,  
дос – атсыз, дүшпан – сойсыз,  
құрбы – есімсіз!..

### *Мұнұрган*

Күз неге жылайды, мен бе екем жылатқан?!  
Жапырақ құлайды,  
Құлатқан –  
мен емес тағы да!  
Кешірді ол басынан не дәуір?  
О, бірақ осының барлығы жаныма,  
Соншалық неге ауыр?



Неліктен кінәлі сезінем өзімді,  
көзінің жасына?  
Сүюді, сезуді,  
үйреткендегің осы ма, Қыркүйек?  
Дертінді көтерту үшін бе?  
Жұтқызып жасынды?  
Күзгі бақ ішінде қаңғыртып басымды?  
Сұранам, сездіргің келеді о, нені?  
Жапырақ құлаған –  
жылаған жүректің өлеңі екенін өзім де  
білемін!

Есіме салмашы!  
Дерт – өлген!  
Жүрегім –  
онсыз да, күз, сенің кітабың...  
Қараша түнінде өртелген!

## ***Қайырым***

Өзгерктің келсе де өзгерте алмайтын,  
Бір жол бар, екі рет жүруге болмайтын,  
Өзен бар, екі рет кешуге болмайтын,  
Жұмбақ бар, екі рет шешуге болмайтын,  
Есік бар, екі рет ашуға болмайтын,  
Перне бар, екі рет басуға болмайтын,  
Бір сыр бар, екі рет білуге болмайтын,  
Өмір бар, екі рет сүруге болмайтын,  
Қанат бар, екі рет кағуға болмайтын,  
Шырақ бар, екі рет жағуға болмайтын,  
Ол – қыздың жүрегі: жарық күн, қара түн,  
Екі рет, екі рет кешіре алатын!



## Оянған

Сағатың, сағатың соғарда,  
Уақытқа, тарихқа, заманға,  
Әлемге, қоғамға, адамға,  
Оған да, маған да  
Сен қарсы жүресің,  
білесің –  
бұл сенің ғұмырлық үлесің!  
Ғұмырлық үлесің: тоқтатпау –  
Өмір мен Өлімнің күресін...  
О, жердің тәкаппар тұрғыны,  
О, жердің тәкаппар тұрғыны,  
Сен қарсы жүресің, білесің:  
Өзінді тапқанша бір күні!..  
Өзіңмен бетпе-бет келгенше,  
Өзінді жұзбе-жұз көргенше,  
Өзінді майданда женгенше,  
Өзінді-өзің кеп көмгенше!

## Fapыл

Жүректің тасқа айналуы үшін,  
қасірет шегу міндетті емес,  
Бауырға тастың байлануы үшін,  
жасынды төгу міндетті емес:  
бір ғана сөз жетеді –  
жемір!  
Көз жетеді –  
шегір!  
Бір ғана сэт жетеді түңілу үшін, .  
лағыл тасты құрт тесуі үшін;  
Ал тастың құм болып үгілуі үшін,  
құмға ғұл өсуі үшін,  
жеткіліксіз өмір!

\* \* \*

Мен кетем, мен кетем,  
Дертімді емдетем,  
Сен салған, сен берген,  
Сенімен тең бөлген,  
Шыға алмай сенделген,  
Шығамын шеңберден,  
Бола біл сен бөтен,  
Боламын мен бөтен.

Келмеске кетермін,  
Күтпестей етермін,  
Оралма өткенге,  
Өтінем, жек көрме,  
Күн кешіп көпке ер де,  
Күліп бар көктемге!  
Мен ғана бекермін,  
Қатыгез екенмін.

Мен кетсем – келме сен,  
Сен сүйме шөлдесем,  
Жалғыздық тұрмесі  
Рухымен тілдесіп,  
Жүрермін күн кешіп,  
Сен оны білмеші,  
Осылай сөн десен,  
Осылай сем десен.

Өзіңмен – жалғыс,  
Өзіңсіз – жабыс,  
Алдында мұнар күн,  
Мұнарда құмар түн,



Сапарға шығармын,  
Сағымды қуармын,  
Сабылыс, жаңылыс...  
Не табам?  
Сағыныш!

Мен – тұтқын матаған:  
Өзіңнен от алған,  
Сезімдер тербетті,  
Дертімді мендетті,  
Басымды сенделтті,  
О, сенің нең кетті?!

Тосса да жат алдан,  
Кете алман, кете алман!

\* \* \*

Ақылға сыяр айыптағаның,  
Арманындағы болмадым.  
Асықпа, жаным, ғайып боламын,  
Көзінді жүмсаң болғаны.

Тістелеп үнсіз ерніңді үлбір,  
Ойлана қалшы өзіңше.  
Ұшып та кетер өмірім бұл-бұл,  
Жалт ете қалған сезімше.

Болмаса, бір сәт жамалды бөтен,  
Аңсашы... әлі кеш емес.  
Бұлбұлды бақша, маралды мекен,  
Бәрі де, бәрі... бос елес.

Жылап тұрғандай ішінен күлкім,  
Күлкілі неткен көз жасым.  
Бұйырам кейін түсіңе, мүмкін,  
...Сағынуға жазбасын.



## *Қараңғы көшелер*

Қараңғы көшелер  
Ұмытқан құдайды –  
Тамұқтың жолдары сыңайлы.  
Бойжеткен  
Бұрышта  
әлдене сұрайды,  
О, нені сұрайды?!

Жапалақ жанарлы, жарқанат құлақты  
Көшелер  
жанымды жылатты.  
Қараңғы бұрышқа  
О, кімді құлатты,  
О, нені сұратты?!

Кер шаһар  
Удай мас  
Ындынды ләйлітті –  
Көтере алмаған байлықты.  
Сол түні ол мені айнытты,  
Сол түннен қаймықтым...

Жүрек-ай – қанатын от шалған көбелек,  
Бұл маңнан өзіңе не керек?!

Бұлқындың –  
Не білдің?  
Ұмтылдың –  
Шегіндің,  
Бұйыға тығылдың неге кеп?!



...Қараңғы көшені түн жұтты. Жоғалды.  
Артында...  
Тастанды Пәктік пен Обалды  
Көтеріп барады киелі жүректер –  
Аспан жанарлы.

### *Cүмбіле. Су сұыды.*

#### *1.*

Тараз.  
Күз.  
Саябақ.  
Женілген жүрек  
пен  
Желге үшқан жапырақ.  
...Әлдебір жас жігіт сұлуды аялап,  
Аяулы тілекпен...  
Тағы бір ақымақ  
соларға қарайды қараша бұлтындей  
түнеріп.  
Ей, жүрек, қойсаңшы бұлқынбай,  
Бүгін ол,  
Бүгін ол – тірі өлік!  
Бір жырдың артында –  
қаншама сұлудың көзінің ып-ыстық жасы бар,  
Ол соның азабын тартуда,  
Ол соны қайда енді жасырап?  
Соқпақтар бақтағы  
өмірдің жолына ұласар демеді,  
Өзі-өзін ақтады,  
Ақтады – өлеңі.



Ақымак!  
Тағы үнсіз келеді,  
Енді оған кім сенер?!  
Ол бүкіл өлеңі  
бір тамшы жасты ақтай алмасын білсе егер...

## 2.

Қайтармыз біз де, қайырылмай қашалық  
шыдармыз,  
Хаттар жазармыз, жырлармен аңсар  
ұқтырармыз.  
Жаз өтер бір күн, ку кетер сыңқыл да сыңқыл,  
Жылауық күзді жан-жақта қарсы алып  
түрармыз.

Терезелерден сол шақта тысқа да қаармыз,  
Сағыныш мұңын саз еткен құсқа да қаармыз,  
Бір-бірімізге құшақ бол ашыла қалармыз,  
Бір-бірімізге найза бол үштала қалармыз.  
Өткінші бәрі, қашанғы қараша сұрайды,  
Күзгі аспан неге бізбенен таласа жылайды?!  
Көзінің жасын қорғамай жерге құлатқан,  
Аспан дегенің адамнан аласа сыңайлыш.  
Деуші едім бұрын, дегенім келгенін қарашы,  
Сұрағанымды тәңірім бергенін қарашы,  
Тағы да, қалқам, бір жұлдыз сөнгенін қарашы,  
Тағы да, қалқам, бір гүлдің семгенін қарашы.  
Өзгеріп кеттің, өтелмес өші бардайсын,  
Көзіңнен мені бұлайша көшіре алмайсың,  
Біресе кел деп, біресе кет деп те қаласың,  
Өзі де мұңлы жүректі несіне алдайсың?!  
Кешіре алсан, кешікпей кешіре алғайсың,  
Кешірмесең көңілден өшіре алғайсың,



Сүрқай да күзде сұр жігіт суық қараса,  
Есі бір кеткен Ерланды есіне алғайсың!

### 3.

О, жалған, күзгі бақтың келбеті неткен мұңлы,  
Жоғалған арманым мен еске алдым өткен күнді.  
Сүрқай жел семдіріпті-ау сумақай сөз секілді,  
Бір үміт бақыт үшін бұрындау еккен гүлді.  
Артымнан қыңсылайды өткеннің құр сүлдері,  
Қолымнан не келеді, бірақ ол білсін нені?!

Бақ астанаң-кестең еді, үйыған меніреуден,  
Адасқан махаббаттың естілді күрсінгені.  
Құлазып көшкен жұргтай көңілім қайда қалды?  
Аяныш сезімімен аймалап айналамды.  
Бір сұлу суюші еді бұл бақта серуендеуді,  
Бір жігіт ұнататын сол жайлы ойлағанды.  
Солғын өң теректер де, қайыңның боз рені,  
Мұлгіген кәрі емен тұнжырап көз іледі.  
Гүл менді жапырақтан қылған жылай-жылай,  
Үзілген үміттердің дірілі сезіледі.  
Мылқау бақ тіл қатпады,  
Беймәлім өкінгені,  
Беймәлім сағынғаны, беймәлім бекінгені...  
Шылаған солған шөпті шық қана дірілдейді,  
Жылаған жүректердің көз жасы секілді еді.  
Тұншығып,  
Жапырақтың соңғы әнін тындарым да,  
Тыншыдым...  
Жыладым ба, білмеймін, жырладым ба?!

...Сұрланған айға қарап күзгі бақ күрсінді де,  
тіршілік қалғып кетті,  
көзімді жұмғанымда.

2001 жыл



## *Tұнгі аңыз*

Қап-қара тұн – құпиялыш менің қойын дәптерім,  
Соған мәлім жүлдышды мұнды-нұрлы сәттерім:

Қасиетті қорлану, асқақ азапталуым,  
Жымысым тәкаппар, жылауга аз-ақ қалуым.

Ағып түскен жүлдышдай өлең ағып барады,  
Көңіл шіркін қанатын қағып-қағып барады.

Ұйқыдағы сұлудай ұйықташ жатқан әлемді,  
Дәптеріме көшіріп ала қоям мен енді.

Талықсыған арудың ерінінен сүйемін,  
Жалғыз өзім билеймін, жалғыз өзім иемін.

Білесіз бе, бұл әлем түсінде не көреді,  
Сәл ыңғайсыз, әйтпесе айттар едім мен оны.

Екеумізге ғана ортақ бар сезімнің көктемі,  
Қап-қара тұн құпиялыш – менің қойын дәптерім.

Оянса әлем тәлпіш-ау, о, тұнде де қылықты,  
Таңға жуық тым асай, онысын кім біліпті?!

Ал таңертек мүлде өзге кісімшілдеу күйге еніп,  
Шыға келер білмestей тұнде кімнің сүйгенін.

Құлпыра尔да дүние күнге шыққан құндыздай,  
Өлең ағып түседі ағып түскен жүлдышдай.

Ойлар қонып жатады баппен қағып қанатын,  
Анау менің терезем: ояу жүрек жанып тұр...

... Менің қойын дәптерім – құпиялыш қара тұн.



## *Қайдасың?*

Қай қаланың аспанынан маңдайыңды көрейін,  
Сол аспанды шаю үшін көз жасымды төгейін.

Қай жұлдыздың жарығынан көз нұрыңды  
табайын,  
Сол бір жұлдыз сөнбеуі үшін мен өртеніп,  
жанайын.

Қай жемістің шырынынан ернің дәмін сезейін,  
Сол жемісті табу үшін дүниені кезейін.

Қай даланың гүлдерінен жұпарыңды жұтайын,  
Сол даланың топырағын маңдайыма тұттайын.

Қай бір құстың қос қанатын қолдарың  
деп сенейін,  
Сол бір құсқа сағынышымды бау қып  
тағып берейін.

Қай жүректің лұпілінде махаббатың  
қалды екен,  
Сол жүрекке құл болғаннан артық  
бақыт бар ма екен?!

## *Күзгі көңіл*

Қиқулап көкте құстардың өткенін қара,  
Содан ба, менің мазамның кеткенін қара.  
Мына күз – менің жанымның  
көрмесі ме екен,  
Көңіл күй ме екен әлде бір өтпелі ғана?!



Білмедім, білгім келмейді ештеңені де,  
Өкпеледім бе, әлдекім қош дегені ме?  
Әлдекім ерте шықты ма жұмысқа қарай,  
Әлдекім бүгін үйіне кеш келеді ме?

Білмеймін, кезіп келемін қаланы бүгін,  
Жаныммен сезіп келемін даланың жырын.  
Дәл бүгін өмір сұруге болмаса, мейлі,  
Дәл бүгін өлең жазуға болады, күнім!

Жыр жазсам – жүрек басқаша соғар ма еken?  
Кешегі достар... ал бүгін олар да бөтен.  
Тұтатып бердім шылымын бейтаныс жанның,  
Мен үшін шырақ бір адам жағар ма еken?!

Жүр еken кербез күндерім қас керіп қайда?  
Алқызыл асау сезімдер бас беріп пе ойға?  
Әлде бір сұлу жатыр ма жас болып жүзі,  
Әлде бір ақын отыр ма мас болып... айда?

\* \* \*

Қыздар мені іздепті бақ ішінен,  
Жүректердің беймаза қағысымен,  
Сезімдердің бейmezгіл ағысымен,  
Қайтқан құстың сағынған дауысымен,  
Қыздар мені іздепті бақ ішінен.

Қыздар мені іздепті қыраттардан,  
Кездерімде бәрінен жырақ қалған,  
Кездерімде жабығып жылап қалған,  
Кездерімде жалыққан сұрактардан,  
Қыздар мені іздепті қыраттардан.



Қыздар мені іздеңті таң сәрінен,  
Баян менен Жібектің аңсарымен,  
Шаруалардың кешкілік шаршауымен,  
Жоқ іздеңген кісінің сарсаңымен,  
Қыздар мені іздеңті таң сәрінен.

Қыздар мені іздеңті биік таудан,  
Биік таудан бір кездे сүйіп барған,  
Биіктерге таласқан иықтардан,  
Кездерімде айылымды жиып қалған,  
Қыздар мені іздеңті биік таудан.

Қыздар мені іздеңті айдындардан,  
Аққуы ұшып, артында қайғым қалған,  
Күн күрсінген шақтарда, Ай мұнданған,  
Қыздар мені іздеңті айдындардан.

Қыздар мені іздеңті көк қаладан,  
Аруының үмітін ақтамаған,  
Ақынының жырларын жаттамаған,  
Қыздар мені іздеңті көк қаладан.

Таба алматы ақынның бұл мекенін,  
Біле алматы жүрегі бірге екенін.  
... Алма жинап жүр ме екем оларға арнап,  
Соларға арнап гүл теріп  
жүр ме екенмін!?

### *Сен жылаған түні*

Сен жылаған түні  
Еріксіз жасым сорғалап, шошып оянғам,  
Түн деген сап-сары сағыныш екен деп,  
Қара түске шашы боялған,  
Кім білген, дүние-ай, мұны.



Сен жылаған тұні,  
Зағип тұннің көзінен нұр ізден жатқам,  
Жан-жағымды сипалап шам таба алмай,  
Кірпігімді көз жасыммен тұтатқам,  
Өртеніп өзегімнің бүрі.

Сен жылаған тұні  
Аңы жасынды жүтқан жастықты қарғап,  
Қара тұннің қабырғасын тіліп,  
Өзімше сені солайша қорғап,  
Ұлыған шарасыздық мұңы.

Сен жылаған тұні,  
Бұл өмірдің құлкісін жек көріп кеткем,  
Жымындаса жүлдyz, мазағы ма деп,  
Күлімдеген Айды қеудеге тепкем –  
Бір тамшы жасындың құны.

Сен жылаған тұні,  
Он екі мүшем егілуші еді, жаным,  
Тұн қойны мұздап сала беріп кенет,  
Мен неге шошына бастадым тағы,  
Мен неге жатырмын тірі,  
Сені тағы жылатқанда мына тұн?!

\* \* \*

Қайтқан құстың қанатының суылы...  
Сенің жаның, бәлкім, содан суыды,  
Менің жаным, бәлкім, содан жаурады...  
Уыз емген үміттердің уілі,  
Еркелескен еріндердің күбірі,  
Көшкен бұлттай көкіректен аунады.



Мен шықпаған арманыңың таулары,  
Сен кезбекен бақыттыңың баулары.  
Білесің бе, мазалайды мені кеп...  
Құс арманы қанатынан саулады:  
Есаландау осы нөсер жауғалы,  
Бір жылағым келетіндегі еңіреп.  
Қаз қаңқылы, қу сыңқылы қайғылы,  
Аласұрған ақ аспанның айдыны,  
Күрсінеді күзге ұрынып көңілсіз.  
Жалғыз келем көкірегім шайлышып  
Қарауға да дауаламай қайырылып,  
Не өмірсіз, не өлімсіз – өзіңсіз...

\* \* \*

Құрбым деймін, құшағың құрдым деймін,  
Мың тазарып, өзіңмен мың кірлеймін.  
Мерейіңнен алдында мылқауланып  
Мейіріңнің алдында міңгірлеймін.

Қарашығы көзіңнің жылым деймін  
Жұтып бара жатса да кулімдеймін.  
Ессіз сезімдерімнің періштесі  
Көzsіз сенімдеріңнің піріндеймін.

Көңіліңнен, кербезім, даала көрдім.  
Сол даланың аңсарын ала келдім.  
Ерініңнің қып-қызыл сәулесімен  
Арманымның суретін сала бердім.

\* \* \*

Даладан, таудан асыға,  
Гүл теріп саған келдім мен.  
Гүлдесте тағып шашыңа,  
Гүл қойып сұйсем ерніңен.

Сезімнің қоңырауы ма,  
Бір әуен жүректе, міне.  
Ақ гүлді омырауыңа,  
Көк гүлді білектеріңе,

Тағайын, тағы жинайын,  
Іздейін ең бір әсемін.  
Әр адамына сыйлайын,  
Сен жүріп өтер көшениң.

Бәрін де теріп келемін,  
Бәрін де жиып беремін.  
Әдемі гүлдер көп еді,  
Ең әдемісі – сен едің!

Гүл теріп жүрген шақтарым –  
Ол, бәлкім, өмір сүргенім.  
Ал сені бірақ таппадым,  
Сен өсер жерді білмедім.

Даланың ең бір төрінен,  
Таулардың ең бір шыңынан,  
Кездестірермін сені мен,  
Кездестірермін, шұғылам!



Махаббат, бәлкім осы ма?  
Табатыныма сенемін!  
...Даладан, таудан асыға,  
Гүл теріп саған келемін.

\* \* \*

Кетті, келген соң кеткісі,  
Бөтен жар, басқа үй...  
Сейфуллин проспектісі,  
Такси.

Көзі – алқызыл сүрмелі,  
Алқызыл плащ.  
Ол ештеңе білмеді,  
Білмедім... рас.

Қарлы,  
Желтоқсан басталды,  
Сәл күтсе нетті?!

Ештеңе жоқ астарлы:  
Кеткісі келді, кетті.

Себеп те жоқ тілдесер,  
Салдары – ауыр...  
Жүректерде бүрлесе  
Кінәмшіл сәуір...

Күлкі – екеу, мұң – жалғыз,  
Кетті... Мен де кетем.  
Аялдамада турған қыз –  
Бөтен.



\* \* \*

Күздің тұні – қыз баланың мұнындай,  
Жүрек қылын шертіп кететіні бар.  
Ғашықтардың ессіз балалығындай  
Бұл нөсердің сенде нендей құны бар?!

Мәз боласың нөпір суға малына,  
Жаңбыр тілін сен ұқпасаң кім ұқсын?!  
Балапаным, жақын келші жаныма,  
Алақаным білегінді жылтысЫн.

Тұрған кезде әрнәрсені ойыңа ап,  
Жаңбырдан да қызғанады екенсің.  
Іңкәр көңіл кінәмшіл де кей уақ,  
Сүйген жүрек болады екен секемшіл.

\* \* \*

Сүйемін деп тағы да қайталашы,  
Қайталашы, қанша рет айта аласың.  
Жүрек барда – шайырдың көзесіндей,  
Көңіл барда – сұлулар шайханасы.

Тілін жүр ем үйреніп тұнерудің,  
Арманымның елінен күле кірдің.  
Құшағымда Ай жатты аласұрып,  
Жырын жұтты жұлдыздар жүргегімнің.

Іңкәрлігің құшағын жайса маған,  
Безіп кете жаздаймын ой-санадан,  
Кекіліңнен айналдым күн тараған,  
Кірпігіңнен бір-бірлеп ай санаған.



Неге мұнша сезімдер құрделі еді?!  
Құрделі етіп жіберді бірге мені.  
Кеудемдегі бірденем сені көрсем,  
Бірдене деп айтады бірденені.

### ***Жаздым***

Еркелей қарап, елігім менің,  
Ернінді тостың... Ес кетті.  
Елігіп едім, желігім жеңіп,  
Әттең-ай, әттең не істетті?!

Ентігіп демің, дір етті ерін –  
Ұлы сезімнің үрейі.  
Ерінді сүю – жүректі өбу  
екенін қайдан білейін.

Қаншалық жаның ұнатқан сайын,  
Өзімді сонша жек көрдім.  
Сезімің сұлу бүр атқан сайын,  
Ішімнен қурап кеткенмін.

Кінәдан көңіл, күнәдан жаным,  
Күйеді білем, күйсінші.  
Сүймеймін енді, сұрама, жаным,  
Шын сүйген ғана сүйсінші.

### ***Сүю деген...***

Сүю деген – көкірегінде жүрек барын түсіну,  
Сүю деген – сезімталдық дертіменен ұшыну.  
Сүю деген, сүю деген – тысың бал да, ішің у,  
Бойжеткендік ұялу мен бозбалалық қысылу.



Сую деген – қаперінен өзге үшін ұмтылу,  
Сую деген – нәрестелік көздеріңе мұң тұну.  
Жұлдызды тұн көзді жұмып, ерініңді тістелеу,  
Жігіттегі құмарлық пен арудағы ынтығу.

Сую деген – күлгін таң мен күрең  
  кештен қызғану,  
Бұл ғаламның мұңындағы бар обалдың ызғары.  
Ай сәулесі жылу беріп, күн нұрынан сыздану,  
Тәңірін де сескентетін сезімдердің құздары.

Сую деген осы десем, неге, гүлім, сенесің,  
Сую жайлыш сұрамашы, ол немене демеші,  
Мені сүйіп көрді ғой деп ойлайсың-ау сен осы.  
Күздің сағынышы, қыстың пәктігімен іздесен,  
Көктемде жүрер бәлкім махаббаттың елесі.

### *Fай, гай...*

Қара түннің түкпірінен шығып жатқан күбірге,  
Ей, жүрегім, жын шалды ма,  
  жығыласың, жүгірме!  
Мына әлемде Ләйлі жоқ қой  
  сені Мәжнун қылатын,  
Айша жоқ қой мерт болатын  
  Сұмбіленің түбінде.

Нәркес үміт қарсы келген қарашықпен  
  қабысқақ,  
Бірақ әлі ешкімге де кете алмадым табысталап.  
Бүгін менің естен тана ғашық болғым келгені,  
Тұл бойыма түйіқталған бар сезімді  
  бағыштап.



Көзді көргем жүрегі үшін жауап бере алмаған,  
Ерінді де сезімдердің бір бұртігі қалмаған.  
Мына әлемде Ләйлі бар ма  
  мені Мәжнүн қылатын,  
Бар ма, адам?!

\* \* \*

Бұлдырамашы, құлап кетпеші,  
Етпеші мені жаралы.  
Жарық жүлдизым, жырақ кетпеші,  
Жанарым талып барады.  
Аспанды бақсам аңсарымды алдың,  
Сұлу ғаламның нышаны.  
Тандайы менен тамсанулардың,  
Қарсы алулардың құшағы.  
Жүлдиздар көкте жамырағанмен,  
Сен жалқы тұрсың, жарығым!  
Биіктен мені танымағанмен,  
Төменнен сені таныдым.  
Заңы ғой ол да ғұмырдың мына,  
Басқаша деймін болсаши.  
Жасырынғанша шымылдығыңа,  
Қолыма менің қонсаши.  
Жалғыз анам бар асыл да жүрек,  
Саған да ана болады ол.  
Бауырым болшы қасымда жүрер,  
Келе ғой, нұрым, қона көр...



\* \* \*

Өмір мынау – у құйылған аяқтай,  
Тағдыр мынау – екі ұшы бар таяқтай.  
Беу, дүние-ай, беле алмаспыш сонда да,  
Ақтық демім шаранамды оятпай.

Жүрек мынау: дауасы не, дәру кім?!  
Узынан бал іздеймін бар удың.  
Ол да өмірден жерінбес-ау, қалмаса,  
Ақтық сөлім ерінінде арудың.

Санам мынау – сандырағы Заманның,  
Адам болып тұру үшін алаңмың.  
Күн артынан көшіп барам қалса деп,  
Ақтық сөзім аузында Ғаламның.

\* \* \*

Арманыммен аман жеткен ақ таңнан,  
Үмітіммен үлпілдеген, тілеулі.  
Дәл өзімдей әлдекімнен шаттанған,  
Мен де, бәлкім, шаттандырдым біреуді.

Сезіміммен жұлдызынан жаңылған,  
Төзіміммен кісендеулі, шідерлі.  
Дәл өзімдей әлдекімді сағынған,  
Мен де, бәлкім, сағындырдым біреуді.

Көңіліммен көктемеге зарыққан,  
Жүргіммен жаз келгенше жүдеулі.  
Дәл өзімдей әлдекімнен жалыққан,  
Мен де, бәлкім, жалықтырдым біреуді.



\* \* \*

Бақыт құсы бола алам ба басқаның?!  
Бір үмітім сеніп еді – сезгенмін.  
Бір күдігім жерінеді – төзгенмін,  
Барлығын да келетіндей тастағым,  
Барлығы үшін келетіндей өзгергім,

Күлер едім: жыламаған секілді ем,  
Жылар да едім: жат па маған сор да сыз,  
Күліп сонда сүйесіз бе бетімнен,  
Көз жасымды сүртесіз бе сонда сіз?!

Бір боздаса мұраттарым боздасын:  
«Ей, дүние, көкірегің ақ па?» деп.  
... Мениң жаным – тәнірімнің көз жасы,  
Сіңіп кеткен қара топыраққа кеп.

\* \* \*

Ей, өмірім, сүт ұсыншы суын деп,  
Балыңа да рахмет – сүйсінбен.  
Тозаңы ұшып сайқымазақтығыңың,  
Жанарымды жыламайын жусын деп.

Сүйем сені, бәлкім, соңғы деміммен,  
Сүйем сені, аппақ қара өлеңіммен.  
Сүйем сені, сәби сезімдеріммен,  
Сүйем сені, қанша безінгеніммен.

Сені көрем арманымның түсінде,  
Кейде шошып оянам да, түсінбей,  
Қарашықтай жаутандаймын үрейлі,  
Өліараның аңғалағы ішінде.



\* \* \*

Қара жебе секілді көз  
Ұлымның  
Қадамашы арқасынан сұғынды –  
– Қолым емес, – дейді анам аластап –  
– Қолы, – деумен – Би Пәтима Пірімнін.

Үлкендерден сұрап жатар бата да,  
Бақ дарысын дей ме еken ботама.  
Қашан көрсөн түтіндеп жүргені,  
«Жарылқа, – деп. – Мандайынан, От Ана».

Тәніріме тәу етумен сыйы үшін,  
Өз ойыммен тұрып қалам түйіспі.  
Жүрегімді иіткенде шымырлап,  
Пайғамбарлық мейірімнің иісі.

\* \* \*

Жалғыз райхан...  
Ол да қурап қалғалы,  
Откенімді алмаушы едім есіме.  
Сенің мұңды жанарындаі сондағы,  
Бүтін аспан жылады еken несіне?

Кетем деп ең,  
Қал дегенім жоқ тағы,  
Менсіз саған жеңіл болар тәрізді.  
Ессіз несер сонау жүрек жақтағы,  
Жаңғыртам деп шайып кетті бар ізді.

Кураған гүл...  
Соңғы демі сезілді,



Сол бір демнен әлсіз әуен естілді:  
Аяр болсаң өзінді,  
Аямайсың ешкімді!

Сөніп барып, лап ететін өрттей боп,  
Суып барып, қайта өзімді жылыттым.  
Айығарда бір соғатын дерттей боп,  
Ақырғы рет аңсадым да...  
Ұмыттым.

\* \* \*

Кейде көңіл қайтар құстай қайғылы,  
Қажып бітер қос қанатын жайғанша.  
Оралғанша қайтемін деп айдыным,  
Сатқындықтың шалшығына айналса...

Өздерінен өзгелерді жасаған  
Жандар да көп,  
Аяуыма обалы.  
Бар дегенім тас лақтырса тасадан,  
Жоқ дегенім болады екен жоғары.

Соңғы сөзде сарқылар деп сиям қай,  
Танымастан жүзін дос пен қастың да,  
Жанарымның ақ жаңбырын тыя алмай,  
Басым жатар жастығымның астында.

\* \* \*

Саған сенгем басқасын былай қойып,  
Мәпелер деп жүректің сағынышын.  
Шатты күні туылған шырайлы ойым,  
Жасып қалды көзіңе шағылысып.



Сенен күтпей жүректі тілгілер мұн,  
Тектен-текке сезімім бүршіктепті.  
Дір-дір еткен ұміттің үлбір ернін,  
Сүйе білмес сезімдер қыршып кетті.

Базарым сен болғанда, байлығың ем,  
Бу боп ұшып жатқандай бар ұлылық.  
Айдынына арманның Ай нұрымен,  
Қармақ салып отыраар кәрі күдік.

Барлық мазақ мысыққа айналып ап,  
Қармақты андып...  
Тынып тұр жұрт ішінен,  
Күнге де бұл тіл бітіп, Айға құлақ  
Күллі әлемнің қалдым-ау күлкісіне.

\* \* \*

Жалынамын, жоламашы,  
Шақырып ем сенгендіктен.  
Сен пері де бола аласың,  
Періште боп көргендіктен.

Жалынышты қарамашы,  
Неменеңе жағынасың?  
Һәм сүйікті бола аласың,  
Мені сүйіп не қыласың?!

Қай сасқаным – желіккенім,  
Тұраң ма едім мүмкін шыдалап?!

Мен көрмей-ақ көрікті едің,  
Мен сүймей-ақ сылқым, шырак.

Жоқ сезімге қаталаппын,  
Кешір енді, кетем бүгін!



Маған таңсық махаббаттың,  
Саған қаңсық екендігін,

Кеш ұғындым қөтеріп мен,  
Еркелеу мен есіруді.  
Пендеэүи қателікке  
Пайғамбарлық кешірімді

Көп іздеппін, қарамаппын,  
Бәлкім, сонда жаңылысу?  
Бар әлемді қаралаппын,  
Сені ақтап алу үшін.

Ұнадым ба, ұнаттым ба,  
Әй, сезімнің тұрағы жоқ.  
Мен – жауапсыз сұрақпрын да,  
Сен – жауапсың сұрағы жоқ!

\* \* \*

Мылқаулығы сананың тас құлағын жаардай,  
Сүзіледі сұп-сұр Ай сорға біткен жанардай.  
Жанның көзі кіртиген, құлғін қала, мас көше,  
Көлеңкелер жөңкілер бір-бірімен өштесе...  
Тұнгі шамның көзінде көлбендейді көйлектер,  
Қара далап, ақ опа... және екі бойжеткен.  
Қызыл тұмсық етіктер өкшесінің би өнді,  
кыпша белді күлкісі қытықтарға сүйенди.  
Көз алдында кетті әне екі жігіт жұтылып,  
Қалқып қалды орнында темекінің тұтіні...  
Жауып сордың есігін қара құмар таңбалы,  
Босаға жармасты екеуінің аруағы,  
Ұзақ тұрып қос Елес ой жанында шеткери,  
Бірі көкке қарады, бірі есікке беттеді.  
Сөне берді сұп-сұр Ай сорға біткен жанардай,  
Бұл еткенде бір бөксе мені баурап алардай.



\* \* \*

Хұсни іңір тараңар қоздантып сезім бүртігін,  
Кермиық күннің құлтелі дірілдесе кірпігі.  
Қара тұнек қыранның қанатындаі көрінсе,  
Жәудірейді дүние жанарындаі тұлкінің.  
Бұлышиды тіршілік бүрілерде шарасыз,  
Иманды Айдың жүзінде құмарлық тұр тобасыз...  
Жасаураған жанарадан жас бол тамып ояндыым,  
Беу, дүние, жұмылып, қайда батып баrasыз?!

\* \* \*

Сен әлі тым жассың...  
Сезіміңің дір-дір етіп кірпігі,  
Ерініңің бұр жармаған лаласы,  
Сәл шыдашы... кейін... кештеу... бір күні  
Махаббаттың тәқаппарлау баласы  
Көз салады ғайыптан кеп, гүлім-ау,  
Құтқарады қасиетсіз өлуден.  
Сүю жайлы ойлау деген – жылылау,  
Тіпті ыстық, сүю болса тону мен  
тітіркену, қалтыраудан тұрады,  
Солса гүл де сүйгені үшін семеді.  
Бірақ кейде аңсаулардың шырағы,  
Әнтек қақкан кірпіктен де сөнеді.  
Сен әлі тым жассың...  
Алуан гүлге құмар болма, сұранам!  
Жауқазыны, бар тағы да жалбызы.  
Қарамастан өтіп кетер бір адам –  
Махаббаттың өркөкірек жалғызы.



\* \* \*

Тындашы сәл, нәркес ғұмыр-нәзігім,  
Сую жайлы тағы да айтқым келеді:  
Көбелектер күз келгенде,  
Жазының  
Сезіміне беріктікten өледі!  
Ал, көктемде тіріледі қайтадан,  
Қысқы кешке сипатпастан қанағатын.  
Содан оны махабbat деп айта алам,  
Пайғамбарлық жүректерде болатын.  
Қара аспанның қар жауса да көзінен,  
Тау ерніне мұз қатса да көкпенбек,  
Қар астынан күбірлеуін сезінем,  
Шалажансар жапырақтың «көктем» деп.  
Мен де содан, нәркес ғұмыр-нәзігім,  
Көктемені күтуменен келемін.  
Сенің болса, сенің барлық жазығың –  
Жапырақтың тілін түсінбегенің.

\* \* \*

Ермегі ме, – дейтуғын. – Есі өлең бе?  
Жалғыз сауал қойылса пешенемде,  
Ту сыртыңдан өзінді көрсетер ем,  
Кездеспей-ақ кеттің-ау көшеден де.

Барлығына дер едім сен кінәлі,  
Жүргіңе байланған жан құмары.  
Хан сәлемін алмайтын көңілді өлең  
Қыығына көзіңнің зар қылады.

Сен кінәлі бәріне, жазалысың,  
Мақпал тұнде ұрланған мазам үшін,  
Өзегімнен дірдектеп аңсар жасы,  
Сол тамшыдан жаралған ғазал үшін.



Еріні – Ай, көзі – Күн, Менді Галам,  
Қайтсем сені қеудеме қондыра алам?!  
Сен өлгендे – әлемнің өлетінін,  
Көрсетер ем,  
Жолықпа енді маған!

\* \* \*

Келбетінің болмас деп жерде өлшемі,  
Ерек көрдім мен неге елден сені.  
Жүрек берген қеудеге сую үшін,  
Сүйе білмес адамға бермеуші еді.  
Жаралған деп ойлаушы ем сені маған,  
Сезім адал, біздегі сенім адал.  
Сүйе алмаған жүректің өзіне обал,  
Қатығез бол кетпейді өмір одан!  
Құлгенің де – мендегі қуанышқа,  
Әлде ол да жалғандау жұбаныс па?!

Кірпігіңмен жазасың неге, гүлім:  
«Енді мені көргенде құрақ ұшпа!»  
Бірге көрмек өмірді, бірге сүрмек,  
Мерт болғандай ең соңғы тілдесуде.  
...Мен кеткем жоқ өзіңен, өлең кетті,  
Ел көшкен жоқ бұл маңнан, жыр көшуде.

\* \* \*

Өмірді ұғар секілденіп, ой кешіп,  
Жүргенің де әурешілік кейде осы.  
Біреу маған ақымақсың деп кетті,  
Сезімдермен отыр едім сөйлесіп...  
Өмір деген театр ғой көне тым,  
Әртістердің екі түрі енетін:  
Ақымақтар, және деймін басқалар,



Ақымақ боп көрінгісі келетін.  
Деп құлемін  
Езуімен әзілдің,  
(Өзі-өзіммен әзілдескен мәз ұлмын)  
Мен де кеше ақымақты іздеп ем,  
Мұңның қара тізіміне жазылдым.  
Талай сенім табан асты тапталды,  
Талай үміт дар алдында ақталды.  
... «Кеменгерім!» деп ем сонда біреуге,  
Ол да маған «Данышпаным!» деп қалды!

\* \* \*

Жалқы тұған бәйшешекті аядым,  
Жер жүргегін жібітеді қалай деп.  
Күн ернімен сүйіп-сүйіп қоямын,  
Самал болып сипаладым талай кеп.

Неге ерте туылғанын сұраймын,  
Көктем болса ән салып жүр елесте.  
Ал бәйшешек өкінбейтін сыңайлы:  
«Оятатын біреу керек емес пе?!».

Ертесіне үсік жүрді, ол семді,  
Семді, бірақ сол бір ақсақ пішінмен.  
Оянар деп мыңы бірі өлсе енді,  
Мен шыңғырып бара жаттым ішімнен.

\* \* \*

Көрік берсе, көздерге ұнау үшін дер ме екен,  
Ерік берсе, өзінді сынау үшін дер ме екен,  
Серік берсе, бір бүтін құрау үшін дер ме екен,  
Бәрі бүтін әлемде, ал бүтінің нөлге тең,  
Дер ме екем.



Сенім берсе, сенімнен шығамысың дер ме екен,  
Төзім берсе, ол дағы шыдау үшін дер ме екен,  
Сезім берсе, сезімді ұғамысың дер ме екен,  
Ең жақынмын – ұға алсан, ұға алмасаң – ең  
бөтен,  
Дер ме екем.

Самғау берер қанатқа құлау үшін дер ме екен,  
Жас та берер жанаға жылау үшін дер ме екен,  
Жыр да берер жаныңды сылау үшін дер ме екен,  
Өзім жатқан бесікті өз қолыммен тербетем,  
Дер ме екем...

\* \* \*

Жазылмаған өлең – сүйілмеген ерін,  
Сүйілмеген ерін – жазылмаған жырсың!  
Екеуі де керім,  
Екеуі де тылсым!

Жазылмаған өлең – оралмаған құстар,  
Оралмаған құстар жылы жаққа кеткен.  
Бізден жырақ тұста,  
Әрқашан да көктем!

Жазылмаған өлең – оқылмаған дұға,  
Оқылмаған дұға қалшылында жанның.  
Оқылатын шығар,  
Алдында бір таңың.

Дүр, оқылған шақта Құран менен Өлең,  
Түр, басыңды көтер, жүр, жақында маған,  
Ей, сүйікті Әлем,  
Ей, сүйкімді Адам!

# МАЗМУНЫ

Қараша түні		
Кезегім .....	4	
Қара шанырақ .....	6	
«Гүләнда» кітап дүкенінде .....	8	
Үлес .....	10	
Есінеуік .....	12	
Көп нүкте .....	13	
Жорғатай ғұмыр .....	14	
Іңірдегі пессимизм .....	16	
Пылыштырым .....	17	
Бошалаң .....	18	
Ауырған жоқпын! .....	19	
Болашаққа хат .....	21	
Ғұмырбаян .....	22	
Мен кеткенде .....	23	
Дұға .....	24	
Мениң жолым .....	25	
Қазактан кешірім сұрау .....	26	
Таңғы ән .....	27	
ӘЛІАРА(цикл) .....	29	
Күпия .....	36	
Shoot the moon .....	37	
Алматыға – бәрібір! .....	39	
«Асқақтық туралы аспанда» .....	40	
«Қуанудан қуанбауды үйрендім» .....	41	
«Ауырсынып шықты бүгін түн мені» .....	42	
«Құстар қайтты топ-топ бол, тоқтасын ба?» .....	43	
Элегия .....	43	
Бір қара .....	44	
Келеді .....	45	
Сен жылама, досым! .....	46	
«Майлы бояу май айы» .....	47	
«Түнімен ауырды бүлттар» .....	48	
«Қаранды бұрыштардан» .....	48	
«Ұйықтап жатып жылап шықтың түнімен» .....	49	
«Сезім серіден болғанда, ойым өрден» .....	59	
«Мені көп сақтайды іштегі бір ұстам» .....	50	
Элегия .....	51	
«Сенгем бүгін» .....	52	
Шалық .....	53	
Бір күні мен .....	54	
Өттім .....		54
«Бізден бұрын жаратылған Дала бұл» .....	56	
«Дала, дала, ұлы дала» .....	56	
Қапер (әңгіме) .....	57	
Кербак .....	59	
Манифест .....	61	
Ғасыр Моно Лизасы .....	62	
Сіз кедейсіз .....	63	
Инкогнито .....	64	
2012 жыл.....	64	
Бумеранг .....	66	
«Тұған Айды керілген» .....	67	
«Кектем – жас көңіл ғой, жудесе болар күз» .....	68	
Елден келген .....	69	
Әлем жанына хат .....	70	
Жолшы .....	72	
Ромбтар .....	73	
Беймезгілде көрген тұс .....	75	
Дуалогтар .....	77	
Сәуірдің таңы		
Саған, саған .....	90	
Әмір вальсі .....	91	
«Аққан жұлдыз, еткен қызды бақылап» .....	92	
Наз .....	93	
Сұлудың мұны .....	94	
Сұлудың көз жасы .....	95	
Бесінші маусым .....	96	
«Жек көрдік. Сүйдік. Жалықтық тағы» .....	97	
«Мен жалғыз емеспін!» деді» .....	97	
Қызжымиган .....	98	
«Мадағыңа да құштар емес ұлылық» .....	100	
Гайып .....	101	
«Мен кеше» .....	102	
«Гүл менен көбелек» .....	102	
Сәуірдегі силуэт .....	103	
Музға .....	105	
Біздің өлкө .....	106	
«Көздерін неткен сұық, неткен улы» .....	106	
«Мені түнге кетіндерші қалдырып» .....	107	

Махаббатқа ода .....	108	Жаздым .....	144
«Өмір-өмір! Басқа атаяу бар ма оның?!» .....	109	Сүю деген .....	144
«Жүргім жердің серігі» .....	109	Ғай, гай .....	145
Жол қарау .....	110	«Бұлдырамашы, құлап кетпеші» .....	146
Дертлім .....	111	«Өмір – мынау қүйилған аяқтай» .....	146
А, Ұмай .....	112	«Арманыммен аман жеткен ақ таңнан» .....	147
Құсқанат .....	113	«Бақыт құсы бола алам ба басқаның?!» .....	147
Бозбалалық романс .....	114	«Ей, өмірім, сүт ұсынышы сусын деп» .....	148
Акация .....	115	«Қара жебе секілді көз» .....	149
Сонет .....	116	«Жалғыз райхан» .....	149
«Тулайды жүрек, туганда Айдың жаңасы» .....	116	«Кейде көңіл қайтар құстай қайғылы» .....	150
«Мінездің асылдығы түптен болар» .....	117	«Саган сенгем, басқасын былай қойып» .....	150
Алақай! .....	117	«Жалынамын, жоламашы» .....	151
Қарашаның жетісі .....	118	«Мылқаулығы сананың тас құлағын жаардай» .....	152
Күнім .....	119	«Хұсни іңір таранар қоздантып сезім бүртігін» .....	153
Кездесу .....	120	«Сен елі тым жассың» .....	153
«Күнменен ілесіп кеттім» .....	121	«Тындашы сәл, нәркес ғұмыр-нәзігім» .....	154
Сэт .....	122	«Ермеги ме, – дейтүғын. – Есі өлең бе?» .....	154
Ерте көктем .....	123	«Келбетіңнің болмас деп жерде өлшемі» .....	155
Дертті түн .....	124	«Өмірді үгар секілденіп, ой кешіп» .....	155
Ақын қызыга .....	125	«Жалқы туган бәйшешекті аядым» .....	156
Қыжылдақ .....	126	«Көрік берсе, көздерге ұнау үшін дер ме екен» .....	156
Мұнұрған .....	126	«Жазылмаған өлең – сүйілмесген ерін» .....	157
Қайырым .....	127		
Оянған .....	128		
Ғапыл .....	128		
«Мен кетем, мен кетем» .....	129		
«Ақылға сыйр айыптағаның» .....	130		
Қараңғы көшелер .....	131		
Сүмбіле. Су суыды .....	132		
Тұнгі аңыз .....	135		
Қайдасың? .....	136		
Күзгі көңіл .....	136		
«Қыздар мені іздепті бак ішінен» .....	137		
Сен жылаган түні .....	138		
«Қайтқан құстың қанатының суылы» .....	139		
«Құрбым деймін, құшагың құрдым деймін» .....	140		
«Даладан, таудан асыға» .....	141		
«Кетті, келген соң кеткісі» .....	142		
«Күздің түні – қыз баланың мұнындаї» .....	143		
«Сүйемін деп тағы да қайталашы» .....	143		

**Ерлан Жұніс**

**Киелі түндердің дүгасы**

*Өлеңдер жинағы*

*(қазақ тілінде)*

Редакторлары *Қ.Тәжікұл, С.Елікбаева*

Техникалық редакторы *Е.Жаубай*

Беттеуші-дизайнер *М.Тоқжұманов*



Теруге 01.12.2011 жіберілді. Басуға 12.12.2011 қол қойылды.

Пішімі 84×90 1/32. Қаріп түрі Таймс. Қағазы оффсеттік.

Оффсеттік басылыс. Көлемі 10 баспа табақ.

Таралымы 1000 дана. Бағасы келісімді.

Тапсырыс № 6387.

---


Тапсырыс берушінің файлдарынан Қазақстан Республикасы

«Полиграфкомбинат» ЖШС-нде басылды.

050002, Алматы қаласы, М. Мақатаев көшесі, 41.

**«Профі Медиа» баспасы.**

Мекен-жайы: Қазақстан Республикасы, 010017, Астана  
қаласы, Алматы көшесі, 1-үй, «Асылтау» бизнес орталығы,  
1-қабат. Тел.: (7172)57-30-78, факс:54-32-81



## Ерлан ЖҮНІС

1984 жылдың 7 қарашасында  
Алматы облысы Жамбыл ауданында  
өмірге келген. М.Х Дулати атындағы  
Тараз мемлекеттік университетінің  
әлем тілдері факультетін бітірген.  
2006 жылы халықаралық «Шабыт»  
фестивалінде «Әдебиет» аталымы  
бойынша гран-при және Президент  
кубогін иеленген. 2001 жылты  
Серік Үмбетовтің демеушілігімен  
«Жыр-перзент» деген атпен алғашқы  
жыр жинағы жарық көрді.  
Өлеңдері жас ақындардың ұжымдық  
жинақтарына енген. «Кентавр» әдеби  
апталағында, «Қазақ әдебиеті»  
газеттерінде қызмет еткен. Қазір  
респубикалық қоғамдық-саяси «Айқын»  
газетінің тілшісі.

ISBN 978-601-80208-3-4

9 786018 020834

 Profi MEDIA